



越城縣廣勝寺

佛說羅摩伽經卷上

西秦沙門聖堅譯

如是我聞一時佛在舍衛國祇樹給
 孫獨園莊嚴重閣善勝講堂與菩薩
 摩訶薩普賢菩薩文殊師利菩薩等
 其名曰光明幢菩薩須彌山幢菩薩
 寶幢菩薩無尋幢菩薩花幢菩薩淨
 幢菩薩日光幢菩薩靜正幢菩薩離
 塵幢菩薩世靜幢菩薩地威德幢菩
 薩寶威德菩薩大威德菩薩金剛智
 威德菩薩淨威德菩薩法日威德菩
 薩功德山威德菩薩智炎威德菩薩
 普現勝威德菩薩持地藏菩薩虛空
 藏菩薩蓮華藏菩薩寶藏菩薩日藏
 菩薩功德淨藏菩薩法印藏菩薩世
 淨藏菩薩不憍慢菩薩蓮華勝藏菩
 薩善淨眼菩薩清淨眼菩薩淨眼藏
 菩薩無著眼菩薩普集眼菩薩善觀
 眼菩薩優鉢羅華眼菩薩金剛眼菩
 薩寶眼菩薩虛空眼菩薩善眼菩薩
 普眼菩薩天冠菩薩法界炎智天冠
 菩薩道場天冠菩薩栴檀光天冠菩

薩佛藏天冠菩薩山勇天冠菩薩世
 淨天冠菩薩威儀天冠菩薩無能勝
 菩薩諸佛師子座覆觀菩薩普法界
 虛空光觀菩薩梵勝髻菩薩龍勝髻
 菩薩佛變化炎髻菩薩一切願海摩
 尼髻菩薩如來圓光珠髻菩薩虛空
 掌珠報髻菩薩如來遊戲珠玉網髻
 菩薩如來法輪香髻菩薩一切三世
 香髻菩薩大光菩薩離垢光菩薩寶
 光菩薩離塵光菩薩炎光菩薩法光
 菩薩寂光菩薩日光菩薩遊戲光菩
 薩天光菩薩功德相光菩薩智相炎
 菩薩法相炎菩薩神通炎相菩薩光
 炎相菩薩華相炎菩薩珠相炎菩薩
 菩提炎相菩薩梵相炎菩薩普光炎
 相菩薩梵音菩薩海音菩薩辯才音
 菩薩世王音菩薩山相擊音菩薩一
 切法界普音菩薩一切法海雷音菩
 薩調伏魔界音菩薩大悲雲雷音菩
 薩一切世間寂音菩薩法勇慧菩薩
 智勇菩薩功德須彌勇菩薩功德牙
 勇菩薩稱勇菩薩普炎勇菩薩大慈
 勇菩薩智海勇菩薩如來種性勇菩

羅摩伽經卷上 第張卷

薩光勝菩薩妙勝菩薩勇勝菩薩世
淨勝菩薩法勝菩薩月勝菩薩虛空
勝菩薩寶勝菩薩星勝菩薩智勝菩
薩樹王印勝菩薩法王印菩薩世王
印菩薩梵王印菩薩山王印菩薩珠
王印菩薩龍王印菩薩寂王印菩薩
不動王印菩薩仙人賢力王印菩薩
勝王印菩薩寂香菩薩無極香菩薩
地香音菩薩海雷香音菩薩法艷香
音菩薩虛空香音菩薩衆生功德香
音菩薩衆生善根香音菩薩魔界香
音菩薩智山光菩薩虛空意菩薩淨
意菩薩無著意菩薩覺悟意菩薩三
世炎意菩薩光意菩薩普明意菩薩
法界炎意菩薩如是等菩薩摩訶薩
五百人俱行同普賢志皆具足無著
境界普現十方無量佛土身量無極
遍諸佛前又修無導淨眼境所心无
休息普集一切諸佛功德決定明了
於菩提道普集無量光明深入一切
法智海常行无著無所受心得大慧
身滿足无量無數劫四辯無窮盡智
慧如虚空無依无所著隨衆生所樂

如意現色身淨眼無垢障如日霞空
中於一切法界光明志充滿復有五
百聲聞久已通達四諦明了本際深
入法性離生死海隨順如來聖弟子
衆於諸有結心得解脫於佛法海无
有疑惑復與無數諸天王俱又於先
佛植衆德本普為衆生作不請之友
又受心戒具諸功德普勝天人而無
高心不捨煩惱皆已盡心智解脫如
虛空於佛法中無有疑深入諸佛智
慧海隨順如來諸聖威儀承佛教誡
成就衆生護佛法種使不斷絕緣此
善根常生佛家深樂種智真實法門
尔時諸菩薩聲聞大衆諸天魔梵及
諸神仙各與眷屬恭敬圍遶咸作是
念念如來行念佛境界念佛自在神
通變化念如來持念如來力念如來
无畏念如來住念如來三昧念於如
來勝妙功德念如來身念如來智无
有崖底一切天人不能測量無能分
別無能開現无能知見無能宣明亦
无有能如實解說除佛持力佛自在
力佛智慧力佛辯才力佛威神力佛

三昧力佛神通力佛本願力過去善
根力親近善知識力清淨信心力住
方便力樂求清淨勝妙善根力正直
菩提深心力一切智願力是故世尊
知識衆生種種欲種種信種種解而
心無二以无著聲覺寤一切知道者
說道者善說諸地種種行種種根種
種人種種信種種解種種思及知一
切智人境界各各思惟如來功德咸
願宣說如來昔為菩薩時行願善業
先所修習一切智願勝波羅蜜示現
菩薩諸地神通莊嚴方便衆妙音響
莊嚴菩薩行出生滿足海莊嚴菩薩
菩提門示現菩薩自在道出生菩薩
莊嚴海莊嚴如來遊戲神通莊嚴如
來自在法輪莊嚴如來刹海莊嚴如
來普現十方調伏衆生而不現身心
住諸如來正法之城超勝功德普廣
示現一切諸道如來法王為一切衆
生示現諸趣明淨普照神通自在力
如來為一切衆生取上福田如來為
一切衆生說功德遠觀三輪化度一切
群生唯願如來悲愍一切具足顯現

今時世尊知諸菩薩心之所念以大
 悲身大悲門大悲心大悲本願力隨
 順大悲廣大如法性究竟如虛空入
 師子王奮迅三昧為令一切眾生樂
 清淨法入三昧已時祇陀林重閣講
 堂忽然光嚴廣博嚴淨梵入金剛莊
 嚴其地珍奇間錯眾寶嚴飾雨如意
 珠及諸名華時彼林中表裏映徹有
 琉璃樹枝條華果皆眾寶成雜色光
 明迴旋其間樂見珠玉以為羅網閣
 淨檀金及眾技飾間無空缺彌覆其
 上又以名珠莊嚴樓閣普光摩尼為
 明珠柱脩直光色照徹園林金戶珠
 簾寶璣欄楯四出澄道眾寶所成摩
 尼寶王化珍妙花於其鬚端放真珠
 光列植階簷羅廡軒陛幢幡繒蓋滿
 虛空界於窓牖前寶樹化生猶娑羅
 林自然行列果如寶鈴發眾妙音於
 樹根下出琉璃水香淨柔軟流遍祇
 洹佛神力故本願力故十方世界微
 塵數不可思議阿僧祇清淨佛刹无
 量無數諸供養具皆悉普現於祇陀
 林復有功德香河迴流淨國無量寶

華隨流化生不可窮盡華水有聲皆
 說菩薩報應之行華樹敷榮出香雲
 蓋諸香蓋中有不可思議諸樓閣雲
 有阿僧祇不可思議華璠瓔珞皆悉
 垂下阿僧祇寶摩尼珠王自然涌出
 柔軟衣服及諸寶幢香烟幡蓋皆悉
 充滿復有無數諸寶華雲旋轉空中
 一切幢幡及諸華蓋眾寶鈴幢出妙
 音聲演說一切諸佛名号顯現清淨
 法輪之相復有師子如意珠王以音
 聲海普演說佛本願海門一切法界
 寶王摩尼法相光明以為莊嚴時祇
 陀林上虛空之中有不可思議阿僧
 祇等諸香樹雲如是種種諸供養具
 及諸佛刹諸莊嚴事无量無邊不可
 具說

今時善財童子從東方界求善知識
 漸漸遊行至南方界轉至西方遙見
 善勝長者在屈頭摩城發意欲向漸跋道路思
 惟正受繫念在前无分散意住正定聚雖在道
 路愛樂正法无悔恨心不退境界踊猛精進不
 畏嶮路念善知識修正覺道為得安隱道故
 身心无盡在於中道作如是念我當云何得
 勝境界我今云何當速詣善知識問
 菩薩道修菩薩行於善知識作佛道
 因緣得諸波羅密普攝一切雜諸障
 碍入無著法界普為一切眾生斷眾
 惡道業為除我人眾生壽命之心滅
 除一切煩惱諸塵破滅一切諸見羅
 網成就善箭以慈悲弓射護法處成
 就因果何以故若得值見善知識者
 必得成就諸善功德善知識者能為
 一切智作大根本身心正受顏色不
 變求善知識威儀庠序無卒暴相漸
 漸往至屈頭摩城見善勝長者在於
 彼城重閣講堂即前詣已如人遊海
 水中不見邊際百千万億諸大長者
 以為圍遶皆悉歡喜在於善勝長者
 左右各欲樂聞種種諸法如海導師
 為諸商人說海寶慶善勝長者善能
 分別佛法海寶為一切眾說無所著
 无所分別今時善財童子頭面敬禮
 自言大聖我已久發阿耨多羅三藐
 三菩提心但不知云何行菩薩道修
 菩薩行善勝長者告善財言善哉善
 哉善男子汝已能發菩提之心善能

問於大智慧寶為得如是甚深法義
為斷一切疑惑苦惱種子汝今問我
為到一切智岸以不破壞心正向大
乘令離一切聲聞辟支佛地怖畏正
趣佛道修諸三昧寂靜法門善修一
切諸菩薩行願遊戲神通轉不退輪
淨諸業道速疾迴向一切智心於菩
薩行如實修行為菩薩道故來問我
行此行者普見十方無有障導善知
一切智海對治門莊嚴一切菩薩行
故來問我善男子我在此海岸屈頭
摩城重閣講堂晝夜常說大慈大悲
菩薩淨行法門善男子我於此閻浮
提見諸貧苦眾生必欲饒益然後為
說甚深空義隨彼所願令得滿足或
以飲食而攝取之或以法財而攝取
之或以功德業而攝取之或以智慧
而攝取之或以善根正直業而攝取
之應以菩薩根而攝取者即以菩薩
根而攝取之應發菩薩心攝取者即
以菩薩心而攝取之若應以除去疑惑
發菩提心者即以除疑惑法而攝取
之若應以喜悅發菩薩心者即以喜

悅法而攝取之若應以大悲發菩薩
心者即以大悲而攝取之若有應以
除生老病死憂悲苦惱無常定法發
菩薩心者即以苦空無常法而攝取
之若有眾生應以住生死海心無疲
倦即同住生死海而攝取之若有應
以四攝法發菩薩心者即以四攝法
而攝取之若應以一切智慧功德海
發菩薩心者即以功德智慧海隨順
法而攝取之若有應以一切三世諸
佛正法海對治門發菩薩心者即以
三世諸佛正法海而攝取之善男子
我以如是等諸攝取法為饒益眾生
故令一切眾生得法利樂故在海此
岸善男子我住於此岸普知一切海
中珍寶及所出處根原種性及價貴
賤清明之相識寶光明善能分別善
知一切工巧伎術善知一切諸龍龍
王龍子宮殿差別亦能善除諸龍鬪
諍怖畏惡相又復善知一切諸羅刹
王宮殿村落亦能善除羅刹鬪訟及
與怖畏又復善知一切魑魅魍魎諸
惡鬼神所住之處亦能除滅一切海

水洄波諸難并知水色泉源眾流善
能瞻知日月星辰一切災異變恠之
事晝夜瞻相無一念頃失於常度了
了分明无分毫差善知一切書跡算
數射馭隨時能用善知一切眾相於
剎那頃變恠不停或合或離善知籌量
世間眾事善男子汝今當知我以知
此一切眾生十明法門安止清淨住
無畏岸令彼眾生皆得安隱恒以
正法而撫慰之若閻浮提有諸商估
賈客欲往大海求珍寶者稱我名故
大獲珍寶安隱吉還若有眾生得聞
我名者身心諸垢及以衣垢永得消
除何況煩惱若有眾生眼視我者常
得清淨无上法善聞法無歇身心悅
樂以此法樂普為一切閻浮提內諸
苦眾生雨大法雨令得悅樂若有眾
生聞我說法必得安隱度生死海免
諸怖畏必得安立一切智海永離渴
愛無復憂患恒住三世明解脫海善
男子汝今當知我能常入一切眾生
心心數行海中令彼眾生修淨土業
普知一切十方淨國海隨意往生得

解摩伽羅卷上 第十三 卷中

無尋業復能莊嚴一切淨業根海普
能清淨一切諸衆生行海令住安樂
寂靜大安眠海善男子我以知此大
慈悲喜捨對治滅相擊音聲菩薩喜
幢法門諸大菩薩成就无量諸功德
智慧海善能分別一切世界行海斷
除一切煩惱業海成就一切諸法界
海普攝一切諸衆生及世界海普入
一切勝智慧海終不捨一切衆生海
其心如地善能隨順一切衆生海普
能教化一切衆生海善隨一切衆生
威儀海諸大菩薩深行如是我當云
何能知能說彼功德行
時善財童子頭面作禮遶百千匝辭
退西行善勝讚言善哉善哉善男子
汝今應當正念思惟三昧正受汝從
此去漸漸西行向名聞城去彼城已
有國名難忍城名迦陵提去此不遠
有功德林於其林中有比丘名師
子奮遶身紫金色端嚴第一汝可詣
彼問菩薩行問菩薩戒問諸法門介
時善財童子逡巡辭退漸漸遊行至
功德林日光泉側見彼比丘居端坐

解摩伽羅卷上 第十三 卷中

正受有五百童女形貌端正以為侍
者復有五百童子衛護衆女百千天
女衛立左右
余時日光泉側有一園林名曰王園
入彼園中見一大樹名曰月光普放
光明照百由旬莊嚴園林化成重閣
七寶嚴飾上有光明復見大樹名普
光明枝葉扶疎遍覆三千大千世界
其形如蓋流出衆水有清淨光復見
寶林名曰花藏高顯無極其花開敷
如天樹王有妙光明如天宮殿其色
鮮白猶如雪山復見大樹名曰美味金
花金果柔軟香美甚適衆心復見一
樹名世淨光其色光明無量无边稱
檀摩尼以為樹果有阿僧祇諸雜珠
網羅覆樹上像天宮殿復見一樹名
曰天衣常出無量阿僧祇數衆寶色
衣復見諸樹名曰音樂互相振觸聲
踰梵音復見衆林名普香莊嚴其香
普薰無有障導於園林中復見泉池
七寶光網彌覆其上其池四方有四
渠流分為八支更相灌注八功德水
湛然盈滿牛頭梅檀末為底塗衆寶

莊嚴黃金為沙激此香水聲如天樂
悅可衆心又以衆寶而為欄楯於池
岸上布以金沙常放種種雜色光明
優鉢羅花鉢曇摩花拘勿頭花分陀
利花敷榮水上有衆寶樹行列嚴飾
園遶池側一一樹下各敷無量寶師
子座無量天衣衆妙瓊奇以為嚴飾
燒無價香熏師子座衆香繒帳白淨
鮮明寶網覆上垂衆金鈴出和妙音
復有無量衆寶牀帳圍遶高座一一
樹下亦復如是於諸樹間復有無量
蓮花寶藏師子座又於樹間有衆香
藏座又於樹間有種種香雲藏座又
於樹間有師子寶聚藏座又於樹間
有一切世間普光摩尼清淨藏座又
於樹間有樂見師子寶藏之座无量
妙香以為敷具此諸寶座一一皆有
無量百千諸小牀座以為圍遶一一
小座以无量寶珠而為莊嚴一一座上
有無量寶珠充滿一切如大寶洲一
一座上有勝光明普照王園及日光
林於光明中雨天寶衣及雜寶珠柔
軟可愛以布其地辟如大海志具衆

寶此日光泉梅檀香水躡則沒蹀隨
 足旋轉舉足還復本相如故於其池
 中有衆色鳥鳧鴈鴛鴦鸞翠孔雀各
 自顧影雅音相和飛翔空中集梅檀
 林此王園林日光泉水出生無盡清
 淨雜花有無價香散衆花間超過帝
 釋喜見林池寶樹寶鈴枝葉花果不
 鼓自鳴出妙音聲有諸天女端正殊
 妙如自在天后此王園林倍更明顯
 勝諸天宮此諸天女鼓樂絃歌聲遍
 王園充悅一切天劫波毓衣被樹枝
 間於林四邊有四天王一切皆是大
 權菩薩領四種兵以為備衛種種樓
 閣天繒花蓋及諸殿堂亦有兵衆而
 衛護之此園莊嚴猶如帝釋照明寶
 林歡喜之園普皆嚴淨視之無厭出
 過三界人天果報大梵善淨莊嚴講
 堂不得為比無量梵王清淨報明眼
 所不能見此功德林及日光泉假使
 和合百千梵宮所不能及珍妙莊嚴
 不可具說
 尔時善財童子見此園林種種光明
 微妙嚴飾志是菩薩本業淨行如實

功德善根願力之所成就超絕世間
 三界果報於不可思議阿僧祇劫諸
 如來所植衆德本不著世間速離揣
 食猶如幻師見衆色像廣修淨業无
 著勝行不可破壞所謂師子奮迅比
 丘丘曉了諸法性相如幻本修功德
 長養善根成熟五力而無所著此王
 園林廣博嚴淨普容一切三千大千
 世界天龍夜叉乾闥婆阿修羅緊那
 羅迦樓羅摩睺羅伽人非人等一切
 悉集入此王園而不迫迮何以故皆
 是師子奮迅比丘丘威神力故不可
 思議神通變化皆從菩薩本願海生
 尔時善財童子普見一切諸寶樹下
 師子之座一一座上有比丘丘名師
 子奮迅端嚴勝妙威儀庠序其心善
 寂調伏諸根如大龍鳥如如意珠普
 適衆願心無所著猶如蓮花如師子
 王威伏衆獸安住不動得无相戒故
 其心清淨消除煩惱猶如香王滅除
 臭穢如大藥王諸藥莊嚴滅除衆病
 如良藥王善心見者能除衆病不善
 見者反成毒害菩薩摩訶薩亦復如

是為有緣無緣者說微妙法有緣者
 見我形聞我聲即得无碍陀羅尼無
 緣衆生更增惡行無記衆生即得善
 心如波樓那天莊嚴微妙普施世間
 一切清淨長養善根如良福田又見
 此座種種大衆或見淨居天眷屬圍
 遶又見摩醯首羅天眷屬圍遶是諸
 天衆一心諦觀彼比丘丘目不暫捨
 琦比丘丘即為淨居天衆及摩醯首
 羅天等說无盡法門無受法行又見
 此座欲樂天子眷屬圍遶一心瞻仰
 觀比丘丘目不暫捨時比丘丘為欲
 天衆說普明音聲名問清淨法門又
 見此座自在天王天子天女眷屬圍
 遶一心諦觀彼比丘丘目不暫捨時
 比丘丘為自在天衆說菩薩名字自
 在清淨法門又見此座化樂天王天
 子天女眷屬圍遶一心諦觀彼比丘
 丘目不暫捨時比丘丘為夜摩天衆
 說一切法清淨莊嚴法門又見此座
 兜率天王天子天女眷屬圍遶一心
 諦觀彼比丘丘目不暫捨時比丘丘
 為兜率天衆說安樂心藏旋復自在

羅摩伽經卷上 第七八種 先字

無身隨羅尼法門又見此座夜摩天
 王眷屬圍遶一心諦觀彼比丘尼目
 不暫捨時比丘尼為夜摩天眾說出
 生無量清淨勝妙莊嚴法門又見此
 座釋提桓因眷屬圍遶一心諦觀彼
 比丘尼目不暫捨時比丘尼為釋天
 眾說不淨忍厭離無常苦空无我法
 門又見此座解空婆伽羅龍王與十
 光明龍王等眷屬圍遶難陀龍王跋
 難陀龍王等眷屬圍遶摩那斯龍王
 伊那槃那龍王阿菟婆達多龍王等
 各與龍子龍女眷屬圍遶一心諦觀
 彼比丘尼目不暫捨時比丘尼為諸
 龍王說一切救護善巧方便法門又
 見此座提頭賴吒天王領乳闍婆等
 男女大小眷屬圍遶一心諦觀彼比
 丘尼目不暫捨時比丘尼為說歡喜
 無盡法門又見此座摩睺羅伽阿修
 羅王眷屬圍遶一心諦觀彼比丘尼
 目不暫捨時比丘尼為說法界莊嚴
 明惠速疾法門又見此座大天勢力
 迦樓羅王男女大小眷屬圍遶一心
 諦觀彼比丘尼目不暫捨時比丘尼

羅摩伽經卷上 第十九種 先字

為說度生死海無所畏法門又見此
 座善音緊那羅王男女大小眷屬圍
 遶一心諦觀彼比丘尼目不暫捨時
 比丘尼為說佛本行清淨無著法門
 又見此座金角雲結摩睺羅伽王男
 女大小眷屬圍遶一心諦觀彼比丘
 尼目不暫捨時比丘尼為說諸佛歡
 喜普集法門又見此座無量男女童
 男童女眷屬圍遶一心諦觀彼比丘
 尼目不暫捨時比丘尼為說无勝法
 門又見此座常食眾主精氣羅刹王
 等眷屬圍遶一心諦觀彼比丘尼目
 不暫捨時比丘尼為說普慈悲觀法
 門又見此座出家聲聞一切皆集俱
 來會坐時比丘尼為說智慧光明勝
 法門又見此座出家樂緣覺者俱來
 會坐時比丘尼為說淨明佛功德法
 門又見出家樂大乘者眷屬圍遶俱
 來會坐時比丘尼為說普門智慧光
 明三昧法門又見此座初發心菩薩
 眷屬圍遶一心諦觀彼比丘尼目不
 暫捨時比丘尼為說一切諸佛大願
 聚法門又見此座二地菩薩眷屬圍

羅摩伽經卷上 第二種 先字

遶一心諦觀彼比丘尼目不暫捨時
 比丘尼為說虛空明淨羅摩伽三昧
 法門又見此座三地菩薩眷屬圍遶
 一心諦觀彼比丘尼目不暫捨時比
 丘尼為說莊嚴寂靜法門又見此座
 四地菩薩眷屬圍遶一心諦觀彼比
 丘尼目不暫捨時比丘尼為說一切
 種智勢力境界法門又見此座五地
 菩薩眷屬圍遶一心諦觀彼比丘尼
 目不暫捨時比丘尼為說普集淨花
 藏法門又見此座六地菩薩眷屬圍
 遶一心諦觀彼比丘尼目不暫捨時
 比丘尼為說出世清淨藏法門又見
 此座七地菩薩眷屬圍遶一心諦觀
 彼比丘尼目不暫捨時比丘尼為說
 普依止清淨地藏法門又見此座八
 地菩薩眷屬圍遶一心諦觀彼比丘
 尼目不暫捨時比丘尼為說法界毗
 羅摩伽普遍法身化現一切虛空境
 界法門又見此座九地菩薩眷屬圍
 遶一心諦觀彼比丘尼目不暫捨時
 比丘尼為說無身无著清淨力莊嚴
 法門又見此座十地菩薩眷屬圍遶

一心諦觀彼比丘居目不暫捨時比丘居為說圓滿無障身淨名三昧法門又見此座金剛力士眷屬圍遶一心諦觀彼比丘居目不暫捨時比丘居為說智慧莊嚴那羅延金剛相三昧法門如是等一切大眾一切眾生一切諸趣所應受化者一切眷屬種種善根者隨諸眾生種種欲種種行種種道樂聞多法者為長養善根故為增長善根故莊嚴善根故隨其所應開示顯說阿耨多羅三藐三菩提轉不退轉法輪令諸眾生得不退轉何以故此皆是師子奮迅比丘居成就普眼智慧光明捨離法門成就一切諸佛法界无相清淨法界通達無導法門此比丘居成就无著無導清淨秘藏法門成就圓滿不可思議淨藏法門成就清淨普喜見藏法門成就十萬億不可數般若波羅蜜成就普眼般若波羅蜜成就一切佛法法界不可壞般若波羅蜜此王園林日光泉側一切大眾菩薩摩訶薩等一切皆悉久植善根緣此比丘居說法故

化乃至阿耨多羅三藐三菩提其心善寂得不退轉
尔時善財童子見師子奮迅比丘居久已成就如是等普門法門普現色身而自莊嚴令王園林日光泉水及諸寶樹眾師子座皆現希有奇特之事所有園林經行禪窟及諸所須寶物林帳見諸大眾一切眷屬悉坐其中功德神力皆悉具足八種音聲說眾妙法尔時善財童子見此不可思議諸奇特事及聞微妙八種音聲復聞不可思議清淨妙音宣揚讚歎无量法雲法門以此法門潤澤身心皆令柔軟此名正法對治無比法門得此法門已身心歡喜豁然大悟成就一切諸大法門恭敬合掌遶百千匝即前作礼未舉頭頃見比丘居遍處一切師子寶座放大光明金色赫奕照王園林及諸樹木猶如光雲此光明力令諸樹木皆悉右旋遶無數匝此諸樹木行行相次皆放光明照比丘居
尔時善財童子觀此相已合掌而立

恭敬却行住於一面向白言大聖我已先發阿耨多羅三藐三菩提心唯願大聖慈悲憐愍為我宣說我今不知云何學菩薩行修菩薩道唯願大聖為我解說時比丘居答善財言善哉善哉善男子我今知此一切種智普能開現无底法門善財童子白言大聖一切種智無底法門體性云何時比丘居答善財言善男子此是三世大聖智慧光明莊嚴法門善財童子白言大聖三世諸佛智慧光明莊嚴法門境界云何答言善男子入此法門者得深入現前分別正受一切諸法不生不滅平等法林莊嚴三昧住此三昧者即得如意自在神通此閻浮提示現屢兜率天十方無量微塵世界屢兜率天亦復如是於彼彼處一一佛所示現無量無數之身從於自身出无量無數微塵等佛刹海摩竭身恭敬礼拜修諸福業又實無量無數不可說不可說微塵數雜色花雲不可說不可說雜色瓔珞雲不可說不可說雜色寶鬘雲不可說不可說

可說雜色塗香未香雲不可說不可說雜色繒蓋幢幡雲不可說不可說雜色寶網寶帳雲不可說不可說雜色寶座雲一一座前有不可說不可說說燈光炎莊嚴雲一一燈光有眾寶珠而莊嚴之乃至不可說不可說一切雜色莊嚴具雲供養如來又寶不可說不可說雜色香水雲從香水雲中出不可說不可說雜寶蓮花雲從雜寶蓮花雲出不可說不可說天璣珠莊嚴雲諸寶光明莊嚴具乃至阿迦膩吒一切諸天供養具雲又從香水出不可說不可說轉輪聖王及諸小王一切世間諸供養具雲又從香水出不可說不可說龍神八部乃至一切不可說不可說供養具雲供養如來遍一切處一切諸菩薩處兜率天化乘白鳥降神母胎初生王宮捨家學道詣菩提樹成等正覺轉淨法輪昇切利天為母說法天上人中變現自在乃至涅槃於諸佛所植眾德本以此本願因緣力故示現摩竭摩色身遍一切處供養諸佛諸供養具亦

復如是如是種種諸供養具皆緣久修大願莊嚴法界力生若有眾生知我所修如是供養者皆於阿耨多羅三藐三菩提得不退轉若有眾生來至我所我即為說摩訶般若波羅蜜示教利喜善男子汝今當知我常不起眾生相不著眾生相眾生无相故知一切語言音聲而不著音聲音聲無性相故見一切佛光明相好而不著相好何以故深知法身无色相故受持一切諸佛法輪而亦不著法輪之相深心解了諸法真如實際法性相故於念念中充滿普遍虛空法界而亦不著法界相善能了知一切諸法如幻化相故善男子我唯知此一切種智普能開現無底菩薩法門善男子汝今當知諸大菩薩究竟法界一切菩薩境界无著能以一身結如跌坐充滿十方一切世界於自身內悉能示現一切十方諸佛刹土妙莊嚴事於剎那剎那頃周遍十方禮事諸佛於自身內普能示現一切諸佛神通變化願力能以一毛遍縛十方

諸須弥山舉置他方無量世界於一一毛孔普現十方一切世界劫成壞相於一剎那頃普於十方不可說不可說劫攝受眾生終不捨離諸大菩薩摩訶薩具足一切深智海行我當云何能知能說彼功德願善男子汝從此南行有國名嶮難城名寶莊嚴於彼城中有一女人名婆須蜜多汝詣彼問云何菩薩學菩薩行修菩薩道
 今時善財童子頭面敬禮師子奮足比丘尼足瞻仰諦觀辭退南行善財童子得大慧光以照其心具足長養一切善根欲以教化諸眾生故一心思惟諸法實相建立一切清淨法水語言陀羅尼藏廣修受持一切法輪陀羅尼成就思惟力為眾生歸依大悲一切世間之方方便觀察一切種智充滿法界速疾思惟一切淨法願普觀察光明法門莊嚴十方諸通明力皆悉充滿一切法界究竟成滿諸菩薩行諸菩薩業滿足願力具諸神通漸漸遊行至嶮難國寶莊嚴城推

問尊者婆須蜜多女今在何所其城中人作如是念我不聞此女有深智慧善攝諸根身心寂靜今此童子威儀庠序其心恬泊調伏諸根遠離放逸顛倒惑亂念慧現前視瞻詳審言音和雅不著形色正念思惟甚深法相速離懈倦心如大海此非染欲顛倒之人無情欲想不沒欲泥不隨諸根超出魔界不為一切諸魔所縛如此童子具諸功德何故為色問此女為今此城中多有諸人乃至不聞此女人名何況識者有一人言善哉善哉善男子汝於今者必獲大利乃能問此尊者婆須蜜多如汝問意必已先發阿耨多羅三藐三菩提心決定為於一切眾生必能永離婬怒癡箭不壞淨想不著不淨普解一切諸縛者者有善男子今此尊者婆須蜜多在城北歡喜園中莊嚴樓閣止於其中尔時善財童子聞此語已歡喜踊躍往詣其所住於門側叉手合掌瞻察園內見彼宮宅廣博嚴淨十種寶牆周匝圍遶列殖十行寶多羅樹

十重寶漸其水清淨具八功德盈滿其中優鉢羅花鉢頭摩花拘勿頭花分陀利花開敷鮮榮彌覆水上底布金沙寶岸嚴麗雜色光明充遍園林寶殿樓閣清淨莊嚴綺窓香風怡悅眾心連錢半月披飭羅網金剛力士瞋目奮杵眾寶師子震尾哮吼壯士獸王列侍門側宮城四角有明珠柱眾寶觀闕放種種光雨寶珠花積至于膝淨琉璃地如懸虛空有如意珠王映於地下紫磨金渠流香色水黃金蓮花敷榮其上從蓮花臺涌妙聲水演散法音流聞十方金色芭蕉放大光明處處積寶猶如山崖沆水香雲迴旋宛轉塗香末香遍薰宮城異類眾鳥出和雅音張大寶帳垂眾金花摩尼寶鈴眾寶廁填閭浮檀金以為羅網彌覆宮牆燒百千萬億無價寶香香煙芬馥充滿虛空无量諸天列侍供養諸天妓樂不鼓自鳴眾吉祥瓶盛如意珠從地踊出又雨無量天寶花雲无量天寶香雲無量幢幡寶蓋雲無量天衣瓔珞雲無量妓樂

天音聲雲如是種種供養具雲一一皆放無量色光彌覆虛空照十方界无量萬億金剛寶藏盈滿宮中一一寶園雕文刻鏤光光相照映徹無導復有無量十種寶園以為圍遶珍妙莊嚴清淨無極尊者婆須蜜多端正微妙色如花敷相好具足身真金色不長不短不肥不瘦目曠紺色如青蓮花鬚髮柔潤其色紺豔威儀齊整進止庠序手足鮮澤千輻輪相六欲天后不得為比聲踰梵音志解眾語善知世間工巧伎藝深達一切諸論根本及論議相皆志究盡善知字義善辯正智善巧方便如幻境界善知菩薩方便法門善知菩薩方便法界具諸相好瓔珞嚴身摩尼寶冠放大光明心王明珠以為花鬘本願眷屬皆志圍遶功德成滿不可沮壞具足無盡功德寶藏身出光明普照一切饒益光柔軟光悅樂光開心光莊嚴菩薩心道之光以此光明嚴飭一切眾生之心過斯光者得離五欲拔眾生根

今時善財童子詣尊者婆須蜜多所
又手合掌自言大聖我已先發阿耨
多羅三藐三菩提心而未知云何學
菩薩行修菩薩道答言善男子我唯
知此一億離欲無垢具足莊嚴菩薩
法門善男子若天見我遍一切處天
光瓔珞以自嚴飾為天女形若人見
我我以上妙色清淨慈心而自莊嚴
為童女形非人見我現非人女形
端正殊妙遍非人處若有眾生來至
我所起姪怒癡無有是處唯得菩薩
無受正法恒為眾生說清淨解脫離
苦法門聞我名者得歇離觀速得成
就功德三昧身心寂靜无有障見
我形者即得歡喜三昧聞我聲者即
得無量聲聞三昧聞我名者即得歸
依佛法僧寶即得諸佛刹普現色三
昧若有眾生與我同止者即得解脫
光三昧若有眾生諦觀我者即得寂
靜莊嚴三昧若有見我頻申欠味者
得壞散外道三昧若有眾生觀察我
者得一切諸佛境界光明三昧若有
眾生與我言者即得守護攝受一切

眾生蔽三昧若有眾生為我搔痒者
即得一切德集花藏三昧若有眾生
親近我者即得一億無染離欲莊嚴
菩薩無著无極明淨一切智境界法
門善財童子自言大聖昔於何所修
何功德種何善根有何等業得此法
門答言善男子過去有佛号无染著
行如來應供正遍知明行足善逝世
間解无上士調御丈夫天人師佛世尊
今時無染著行如來出興于世為哀
愍饒益一切眾生故向普賢城始至
界上當舉足時國土城邑六種震動
下足之時丘墟坑坎皆自夷平空中
清明自然嚴淨今時世尊足蹈門闥
即時大地復更震動凡礫墻壁化成
七寶散雜寶花列住空中羅覆宮城
百千萬億諸天樂器眾寶校飾懸在
虛空不鼓自鳴無量諸天各與宮殿
列侍空中頂礼佛足雨諸天花以供
養佛佛入城時放金色光猶如金山
我於今時生彼城中為長者妻亦名
婆須蜜多見佛色身相好光明神通
具足即開發我宿世善根我於今時

與大長者疾詣佛所即脫所著无價
寶珠以散佛上所散寶珠志住虛空
接足作礼
今時文殊師利童子為佛侍者時文
殊師利即告我言善女人汝可速發
無上道心我於今時始發菩薩无上
道心婆須蜜多告善財言我唯得此
一億無染離欲莊嚴无著法門諸大
菩薩智慧方便化度眾生大海深廣
三昧法門大智慧力不可壞伏境界
我當云何能知能說彼功德行善男
子汝從此南行彼有大城名曰善寂
城中長者名曰不憍高貴德王彼大
長者晝夜六時恒常供養梅檀寶塔
汝詣彼問云何菩薩學菩薩行修菩
薩道時善財童子頭面敬礼彼女人
足辭退南行漸漸遊步至彼大城到
長者所自言大聖我已先發阿耨多
羅三藐三菩提心而未知云何學菩
薩行修菩薩道長者答言我唯成就
不滅度實際菩薩法門住此法門我
今審知諸佛如來不般涅槃不入滅
度三世如來永不涅槃无涅槃相除

佛方便為度虛偽眾生故示現涅槃
欲令舍利廣流布故普令一切得入
律行善男子若人能知如來畢竟不
般涅槃者是人能開梅檀寶塔善男
子汝今可往禮拜供養善財童子即
至塔所頭面敬礼開梅檀塔開塔戶
時念念相續得無盡佛性圓光明淨
無盡三昧法門善男子我心於剎那
剎那頃常入正受於正受中得無量
無數圓光明淨三昧於念念頃入勝
進地善財童子白言大聖此法門者
境界云何答言善男子我入此三昧
時普入一切三昧道門三昧力故得
見十方無量諸佛迦葉如來應供正
遍知十方無量各恒河沙微塵數世
界海同名迦葉如來等拘那含牟尼
佛及十方無量恒河沙微塵數世界
海同名拘那含牟尼佛等尸棄如來
及十方無量恒河沙微塵數世界海
同名尸棄如來等毗婆尸如來及十
方無量恒河沙微塵數世界海同名
毗婆尸如來等提舍如來及十方無
量恒河沙微塵數世界海同名提舍

如來等弗沙如來及十方無量恒河
沙微塵數世界海同名弗沙如來等
無上勝佛及十方無量恒河沙微塵
數世界海同名無上勝佛等無上蓮
花佛及十方無量恒河沙微塵數世
界海同名無上蓮花佛等如是无量
諸佛行行相次不相障尋一如來面
白毫相中映現一切十方無量一切
諸佛十方一切無量諸佛白毫相中
映現一佛一切諸佛毛光明更相映
現亦復如是坐梅檀塔我於剎那頃
皆悉覩見諸佛世尊心心相續間無
空缺亦於剎那頃得見閻浮提微塵
數復見百千萬億閻浮提微塵數乃
至十方恒河沙不可說不可說世界
微塵數諸佛復過是數得見無量無
邊微塵數諸佛乃至得見不可說微
塵數世界海諸佛又見諸佛從初發
心遊戲神通無導自在亦見一切大
願清淨妙行成就分別功德不二法
門亦見滿願波羅蜜清淨波羅蜜成
就次第一切菩薩諸地得普忍清淨
遊戲神通長養善根降伏四魔成就

眾生嚴淨佛土成菩提道轉妙法輪
放大光明是諸大眾悉觀此相心心
相續間無空缺時高貴德王菩薩告
善財童子善男子汝今見此梅檀塔
中無量淨明圓光明淨神通莊嚴諸
如來不悉皆同入毗羅摩伽三昧神
通法輪不二法門不諸佛如來以此
明淨不二法門神通力故遍一切處
轉妙法輪以明淨鏡身充滿法界亦
時善財童子白言大聖我今已見一
切諸佛神通遊戲清淨境界亦聞諸
佛說法音聲了了分明不壞耳根受
持不忘正念思惟不失句義次第分
別為人演說亦教利喜以智慧力分
別諸佛法教教授眾生見弥勒等未
來百佛千佛百千佛億萬佛阿閼婆
頻婆羅阿僧祇佛於念念中剎那頃
心念明淨亦見未來恒河沙不可說
不可說世界微塵數等眾生發菩薩
心修菩薩道行三十七品具六波羅
蜜遊戲神通教化眾生淨佛國土取
吉祥草坐菩提樹降伏四魔成正
覺轉妙法輪放大光明示現涅槃乃

至正法像法劫數成壞心心相續皆
羅摩伽經卷上 第三十六 第三十七
 志明了如見此境未來國土十方世
 界亦復如是亦見現在毗盧遮那多
 陀阿伽度阿羅訶三藐三佛陀等無
 量無數一切諸佛從初發心坐於道
 場轉妙法輪示現涅槃正法像法劫
 數成壞住世久近如此世界十方亦
 然十方三世一切佛剎火劫起時於
 梅檀塔倍更明顯亦聞十方三世諸
 佛已說今說當說以智慧力志能受
 持一切世間聲聞緣覺及小菩薩所
 不能及善男子我唯知此不生不滅
 實際莊嚴平等菩薩法門諸大菩薩
 於一念頃志知三世佛法本際平等
 於剎那頃莊嚴無量三昧境界海門
 住如實際無彼我相亦無二意住佛
 所住於一切而無法想住歡喜法界
 清淨莊嚴三乘賢聖如實智慧平等
 无二不著世間及世間果一切三世
 如來印綬及受法法志充法界常住
 不滅一切如來音聲充滿法界不可
 思議無量无边不可具說我當云何
 能知能說彼功德行善男子於此南

方有孤絕山名金剛輪莊嚴高顯彼
羅摩伽經卷上 第三十七 第三十八
 有菩薩名觀世音住其山頂汝詣彼
 問云何菩薩學菩薩行修菩薩道時
 善財童子頭面敬禮高貴德王菩薩
 足已遶百千匝眷仰瞻察辭退南行
 尔時善財童子正念思惟彼長者教
 隨順菩薩解脫之藏正念菩薩諸憶
 念力承佛威神佛本願力以三昧正
 受於念念中間无空缺常念梅檀寶
 塔無量諸佛悲泣雨淚尋路而行次
 第分別一切諸佛及諸佛法於一心
 中莊嚴諸佛神通念定慧力為欲長
 養菩提善根思惟正念一切諸佛不
 思議業漸漸遊行到彼孤山步步登
 陟念觀世音正念不捨遙見經行在
 巖西阿處處皆有流泉花樹林池清
 涼金花香草柔軟鮮潔皆從菩薩切
 德所生至其山頂見觀世音坐於金
 剛八楞之座座出光明嚴飾无比與
 無量菩薩眷屬圍遶而為說法時觀
 世音身真金色手執大悲白寶蓮華
 說大慈悲經勸發攝取一切衆生入
 於普門亦現法門

尔時善財童子既得見已歡喜踊躍
羅摩伽經卷上 第三十八 第三十九
 不自勝持生希有心合掌諦觀目不
 暫捨作如是念善知識者即是如來
 善知識者是佛道正因善知識者是
 法寶雲善知識者是功德行藏善知
 識者十力妙寶善知識者難見難值
 寂勝無比難可測量善知識者是十
 二頭陀正因之行善知識者是盡知
 藏善知識者生功德牙莖善知識者
 能開發示道一切智門善知識者能
 令一切衆生得入薩婆若海究竟清
 淨无上佛性菩提境界如是讚歎善
 知識已漸漸親近時觀世音遙見善
 財讚言善哉善哉善財童子專求大
 乘攝取衆生救護一切衆生柔軟
 心正直心深心求佛法心起大悲心
 向普賢行發一切大願清淨之行成
 就一切大願莊嚴常樂受持一切佛
 法寶雲心不虧減增長善根修諸功
 德無有厭足順善知識不違其教從
 文殊師利智慧大海成熟心行得佛
 勢力光明三昧身心嚴淨无有垢穢
 永離懈怠終不退轉常見諸佛心生

歡喜遠絕眾惡修諸善行成就智慧
心無障導淨如虛空速得對治離苦
法門住諸如來境界光明守護法城
廣宣法教

今時善財童子至觀世音菩薩所頭
面礼足遶百千匝合掌恭敬却住一
切自言大聖我已發阿耨多羅三藐
三菩提心而未能知云何菩薩學善
薩行修菩薩道答言善哉善哉善男
子汝今已能發向釋多羅三藐三菩
提心善男子我已成就毗羅摩伽三
昧大悲法門善男子此毗羅摩伽三
昧大悲法門是菩薩行一切菩薩功
德智慧悉入其中三昧力故不移此
座普現一切清淨色身以普現法門
清淨光明之行於十方世界教化成
就六趣眾生常於一切諸佛所隨所
應化普現其前或以布施攝諸慳貪
或以持戒攝諸毀禁或以忍辱攝諸
恚惱或以精進攝諸懈怠或以禪定
攝諸亂心或以智慧攝諸愚癡以六
和敬善順眾生以四攝法攝取眾生
放大光明網除滅眾生煩惱熱痛以

方便波羅蜜行布施愛語利益同喜
攝取眾生以一切光明網微妙音聲
普為十方一切眾生演說一切聖解
脫法成就一切諸波羅蜜隨諸眾生
應以諸佛菩薩聲聞緣覺形色威儀
而得度者皆為現身坐金剛座手執
白花為說毗羅摩伽菩薩本行大悲
法門聖解脫法若有眾生應以六趣
形色威儀而得度者現六趣身坐金
剛座手執白花為說毗羅摩伽大悲
法門聖解脫法令彼眾生皆得悅樂
以妙色身變現自在示同類身普度
一切隨其威儀乃至同心攝取眾生
善男子我常行此大悲法門毗羅摩
伽菩薩圓滿智慧光明三昧我於往
昔發清淨捨滿足願故以此淨願果
力住此法門是故此三昧門名為大
悲具菩薩行毗羅摩伽三昧法門教
化一切眾生為諸眾生而作屋宅歸
依覆護依止之處為諸眾生作大橋
樑作大洲渚為諸眾生作大炬燭作
大導師乃至究竟處為化眾生故發
弘捨願見聞我者皆得歡喜欲令一

切五道眾生遠離嶮難惡道恐怖熱
惱恐怖愚癡恐怖繫縛恐怖殺害恐
怖貧窮恐怖不活恐怖諍訟恐怖大
眾恐怖死恐怖墮四惡道恐怖諸趣
恐怖不同意恐怖愛不受恐怖一切
惡恐怖逼迫身恐怖逼迫心恐怖愁
憂恐怖懈怠恐怖邪淫貪色恐怖生
老病死憂悲苦惱所求不得愛別離
苦怨憎會苦為脫一切眾生苦畏海
故發大捨願住此淨慧光明法門復
次善男子出生現在正念救護三世
一切眾生怖畏正念法名字法輪法
門為脫輪轉三界眾生故入論議法
門住此法門故示現一切眾生等身
種種方便隨其所應以是方便除其
恐怖皆令發阿耨多羅三藐三菩提
心得不退轉供養諸佛受持正法善
男子我唯知此大悲清淨毗羅摩伽
菩薩光明法門諸大菩薩一切皆具
普賢菩薩清淨大願成滿究竟普賢
之行不斷一切諸善根流不滅一切
諸三昧流常修阿毗跋致行未曾斷
絕善知世界成壞之相滅諸眾生不

羅摩伽經卷上 第四十三卷 卷字號

善根牙生出一切諸善根流滅諸眾
生生死心流出生眾善根心流我
當云何能知能說彼功德行

羅摩伽經卷上

佛說羅摩伽經卷上

校勘記

- 一 底本，金藏廣勝寺本。
- 一 此經底本與麗分上中下三卷，**資**、**碩**、**普**、**徑**、**清**為四卷。
- 一 八二六頁中二行譯者，**資**、**徑**、**清**作「乞伏秦沙門釋聖堅譯」；**碩**、**普**作「乞伏秦沙門釋聖堅第二譯」，下同。

- 一 八二六頁下六行第八字「光」，**資**、**碩**、**普**、**徑**、**清**無。
- 一 八二六頁下七行第三字「報」，**資**、**碩**、**普**、**徑**、**清**作「寶」。
- 一 八二六頁下二〇行第一字「勇」，**資**、**碩**、**普**、**徑**、**清**作「界」。
- 一 八二七頁上一行末字「世」，**碩**作「出」。
- 一 八二七頁中八行首字「又」，**資**、**碩**、**普**、**徑**、**清**作「久」。
- 一 八二七頁下一六行「如來」，**資**、**碩**、**普**、**徑**、**清**作「如來如來」。
- 一 八二七頁下末行首字「群」，**碩**、**普**、**徑**、**清**作「衆」。
- 一 八二八頁上一〇行第九字「玉」，**資**、**碩**、**普**、**麗**作「王」。
- 一 八二八頁上一四行第三字「璦」，**資**、**碩**、**普**、**徑**、**清**作「璦」；**麗**作「鈿」。
- 一 八二八頁上一五行第一〇字「鬚」，**資**、**碩**、**普**、**徑**、**清**作「髻」，**麗**作「髮」。

- 一 八二八頁中四行第六字「可」，**資**、**碩**、**普**、**徑**、**清**無。
- 一 八二八頁中五行第一〇字「王」，**資**、**碩**、**徑**、**清**作「玉」。
- 一 八二八頁中一〇行第一二字「王」，**資**、**清**作「玉」。
- 一 八二八頁中一一行第五字「說」，諸本（不包括**石**、**南**、**石**無此經，**南**未校）作「諸」。
- 一 八二八頁中一九行第六字「屈」，**麗**作「窟」。
- 一 八二八頁中二一行第一四字「踊」，諸本作「勇」。
- 一 八二八頁下八行「值見」，**資**、**碩**、**普**、**徑**、**清**作「見值」。
- 一 八二九頁上一〇行第六字「應」，**資**、**碩**、**普**、**徑**、**清**作「應以」。
- 一 八二九頁上一二〇行第一一字「撮」，**資**、**碩**、**普**、**徑**、**清**作「而攝」。
- 一 八二九頁中一八行第六字「伎」，**普**、**徑**、**清**作「技」。
- 一 八二九頁下一行第二字「洄」，**資**、

- 一 八二九頁下五行第三字「馭」，**善、徑、清**作「迴」。
- 一 八二九頁下九行第五字「彼」，諸本作「彼彼」。
- 一 八二九頁下一五行第七字「善」，諸本作「喜」。
- 一 八二九頁下二一行第九字「常」，**麗**作「當」。
- 一 八三〇頁上八行第八字「生」，**資、磧、善、徑、清**作「生海」。
- 一 八三〇頁上一四行首字「時」，**資、磧、善、徑、清**作「爾時」。
- 一 八三〇頁上一八行第二字「國」，**資、磧、善、徑、清**作「園」。
- 一 八三〇頁上二〇行第一三字「可」，**資、磧、善、徑、清**無。
- 一 八三〇頁中末行第一二字「塗」，諸本作「泥」。
- 一 八三一頁上三行第一〇字「鷲」，**資、磧、善、徑、清**作「鷲」。
- 一 八三一頁上六行第四字「有」，**資、磧、善、徑、清**作「末」。
- 一 八三一頁上一八行第一三字「明」，**資、磧、善、徑、清**無。
- 一 八三一頁中七行第六字「熱」，**資、磧、善、徑、清**作「就」。
- 一 八三一頁中一八行第一一字「花」，**資、磧、善、徑、清**作「莖」。
- 一 八三一頁中一九行第一〇字「得」，**麗**無。
- 一 八三一頁下一二行「為欲」，**資**作「欲為」。
- 一 八三一頁下一三行第九字「問」，**資、磧、善、徑、清**作「聞」。
- 一 八三一頁下一九行「夜摩天」，**資、磧、善、徑、清**作「化樂天」。
- 一 八三三頁上一二行第一三字「輪」，**資、磧、善、徑、清**作「轉」。
- 一 八三三頁上末行末字「故」，諸本作「教」。
- 一 八三三頁中一三行第三字「雲」，**麗**作「空」。
- 一 八三四頁上二〇行第二字「切」，諸本作「切」。
- 一 八三四頁中一行第一二字「皆」，**資、磧、善、徑、清**作「亦」。
- 一 八三五頁上一七行第二字「壞」，**資、磧、善、徑、清**作「懷」。
- 一 八三五頁上一八行第三字「有」，諸本無。
- 一 八三五頁中一行第八字「淨」，**麗**作「深」。
- 一 八三五頁中七行第九字「震」，**善、徑、清**作「振」。
- 一 八三五頁中一四行第一一字「壘」，諸本作「崗」。
- 一 八三五頁下二〇行第七字「悅」，**資、磧、善、徑、清**作「快」。
- 一 八三五頁下二一行第一二字「飭」，**資、磧、善、徑、清**作「淨」。
- 一 八三五頁下末行首字「生」，諸本作「苦」。
- 一 八三六頁下一行第二字「大」，諸本作「夫」。
- 一 八三七頁上一六行第一二字「舍」，

一 八三七頁中一〇行第九字「毛」，
諸本作「毛孔」。

一 八三七頁中一七行第九字「得」，
諸本作「毛孔」。

一 八三七頁下四行「童子」，
諸本作「復」。

一 八三八頁上一七行「一切」，
諸本作「言」。

一 八三八頁上一七行第八字「怯」，
諸本作「劫」。

一 八三八頁中七行第六字「脫」，
諸本作「說」。

一 八三八頁中二一行第一一字「白」，
諸本作「百」。

一 八三八頁下四行第五字「是」，
諸本作「即是」。

一 八三八頁下八行第一二字「是」，
諸本作「是無」。

一 八三八頁下九行第一〇字「莖」，
諸本作「是無」。

一 八三八頁下一〇行第五字「道」，
諸本作「無」。

一 八三八頁下一四行第九字「財」，
諸本作「來」。

一 八三八頁下一六行第七字「求」，
諸本作「樂求」。

一 八三九頁上七行首字「切」，
諸本作「面」。

一 八三九頁上七行第七字「已」，
諸本作「已先」。

一 八三九頁上一七行首字「就」，
諸本作「熟」。

一 八四〇頁上一行「生出」，
諸本作「出生」。



佛說羅摩伽經卷中

羌

西秦沙門聖堅譯

尔時東方有一菩薩名無異行寶花
 承足步虛而來詣娑婆世界金剛輪
 山足蹈山時娑婆世界六種震動變
 成眾寶以為莊嚴舉身毛孔普放光
 明皆志映蔽日月星辰梵釋四王及
 一切天龍神夜叉捷闍婆阿修羅迦
 樓羅緊那羅摩睺羅伽人非人等火
 珠光明摩尼珠光皆如聚墨又此光
 明普照地獄餓鬼畜生閻羅王處及
 諸幽闇消滅眾苦斷除煩惱痛苦怖
 畏皆得安隱普雨寶雨充滿佛刹及
 雨一切供養之具以是等種種供養
 供養如來隨諸眾生所應見身為其
 示現遍六趣已到金剛輪山至觀世音
 所尔時觀世音菩薩告善財言善男
 子汝見此座無異行菩薩不答言大
 聖惟然已見時觀世音告善財言汝
 詣彼問云何菩薩學菩薩行修菩薩
 道時善財童子頭面敬礼觀世音足
 遶無數匝觀察無厭正念聖教深入

智海却行躡退至无異行所頭面敬
 礼右遶七匝畢已合掌而立白言大
 聖我已先發阿耨多羅三藐三菩提
 心而未知菩薩云何學菩薩行修菩
 薩道答言善男子我已成就普現速
 行法門善財童子自言大聖於何佛
 所得此法門所從來剎去此幾何發
 來久如答言善男子此處難知一切
 天人及阿修羅人非人等所能測唯勤精進
 不退轉行親近善知識佛亦護念乃能得知若
 非具足宿善根力清淨直心具菩薩根開智慧
 眼多聞多知尚不得聞不能深入賢聖智慧何況
 信解菩薩行處善財童子白言大聖
 唯願為我說彼國土如來名号我當
 承佛神力及善知識力信五根力成
 就神通力而得信解尔時無異行菩
 薩告善財言我所來剎名妙首法藏
 佛号普賢首於彼佛所得此普現速
 行法門從彼發來已經不可說佛刹
 微塵等劫於一念中行不可說佛刹
 微塵等步一一步過不可說佛刹微
 塵等世界所經諸國佛皆現在以一
 切菩薩无盡供具供養諸佛摩訶摩

身所以者何以我得此無著清淨法性生身如實相印三昧法門以是功德能供養如來無著法身以一切諸菩薩所希見事供養諸佛隨諸眾生宿世善根為現色身而為說法放大光明普照十方應適眾心隨其所須如意皆得成就法哉出微妙聲演說正法饒益眾生以妙法身度脫眾生乃至十方亦復如是善男子我唯知此菩薩普現速行法門諸大菩薩普於十方無所不至境界无量無能壞者清淨法身充滿法界分別了知諸眾生成道滿一切剎順一切法等觀三世說平等法隨順世間不著佛道普至無著無尋善說一切諸法實相本性空寂我當云何能知能說彼功德行善男子於此南方有城名婆羅波提彼有一天名曰大天汝詣彼問云何菩薩學菩薩行修菩薩道時善財童子頭面禮敬無異行菩薩足遠無數匝瞻仰觀察辭退南行

今時善財童子正念思惟菩薩毗羅摩伽無障導行一向專求無異行善

薩智慧境界所出光明智慧神通色身境界一切功德莊嚴境界勇猛精進堅固歡喜出生无量不可思議持行法門遊戲神通得決定智深心悅樂遍體歡喜具諸功德諸三昧地陀羅尼地諸大願地諸辯才地具諸力地漸漸遊行至彼城門推問大天今在何所時有人言善男子今在城內重閣堂上成就微妙清淨色身大眾圍遶化現說法

今時善財童子詣大天所頭面敬禮白言大聖我已先發阿耨多羅三藐三菩提心而未知菩薩云何學菩薩行修菩薩道是時大天即申四辟取四海水安置四掌不令漏落自為善財童子澡面漱口取金蓮華以散善財而作是言希有善男子甚奇甚特乃能遠來求善知識善男子諸菩薩行難聞難見甚深微妙不可思議勇猛精進形容微妙人中分陀利為眾生歸依覆護一切饒益眾生攝取不捨安隱一切普照一切十方刹海顯現正道遠離愚癡為大導師護持正

法獎引眾生安隱無患到於彼岸必定當至一切智城甚為希有菩薩三業具足成就難淨能淨永離眾惡於眾生類常以愛語隨其所應志現其前未嘗失機善男子我唯成就菩薩雲網光明法門善財童子白言大聖此雲網光明法門境界云何今時大天於善財前積天金聚猶如山王積白銀聚積琉璃聚積頗梨聚積車渠聚積瑪瑙聚積夜光聚積水精聚積金精聚積開導眾生摩尼聚積紺珠聚積玫瑰聚積紫玫瑰聚積日精珠聚積彌羅佉寶聚積雜色寶聚積毗富羅寶聚積赤真珠羅網聚積栴檀摩尼聚及積莊嚴支節一切身分諸瓔珞聚猶如須弥一切花一切香一切塗香一切末香一切花鬘一切天衣一切寶蓋一切幢幡一切樂器一切牀帳諸供養具五欲境界如是眾寶積如須弥又復顯現阿僧祇百千萬億諸童女眾語善財言善男子汝可取此一切眾寶供養如來惠施一

切攝取眾生志令眾生修檀波羅蜜
 學檀波羅蜜一切捨故以此捨心教
 授一切普得修行令諸眾生能捨難
 捨善男子我以此物教汝布施普敷
 一切亦復如是志令眾生以無貪善
 根薰修身心普使眾生修佛菩薩行
 親近善知識供養恭敬尊重讚歎出
 生善根長養善根成就具足一切善
 根發阿耨多羅三藐三菩提心
 復次善男子若有眾生貪五欲者為
 彼示現不淨境界貪國土者為說元
 常為瞋恚怖畏憍慢放逸諍訟結恨
 如羅刹鬼殺生無度飲血噉肉如是
 等種種眾生志為示現教彼眾生修
 大慈悲皆令永離瞋恚放逸若懈怠
 者為現水火盜賊惡王怨敵等難化
 以無常起諸善根善男子如是種種
 惡類眾生以方便慧滅除諸惡一切
 障導智慧慈敵成就一切無礙波羅蜜
 善男子我唯知此菩薩雲網光明法
 門諸大菩薩滅除煩惱如切利天王
 滅阿修羅難諸菩薩如水能滅眾生
 煩惱熾火諸菩薩如火能燒眾生煩

惱積薪諸菩薩如風吹散眾生貪愛
 諸著壞滅一切染愛癡心諸菩薩如
 金剛摧滅一切彼我有愛諸大菩薩
 成就如是諸大功德我當云何能知
 能說彼菩薩行善男子此閻浮提南
 有國名摩伽陀寂滅道場菩提樹下
 有神名安住汝詣彼問云何菩薩學
 善薩行修善薩道時善財童子頭面
 敬礼彼大天足尔乃辭退趣摩伽陀
 國詣寂滅道場安住神所
 尔時十千地神各作是言此童子來
 能救護一切眾生即是如來藏能破
 眾生無明翳膜常生勝妙法王之家
 離垢無障以无量天繒寶冠以冠其
 首有大智慧寶藏摧伏外道異學諸
 論議師法輪王法教化眾生尔時安
 住地天一万神等震動大地雨以香
 水掃以香風一万地天異口同音出
 微妙聲遍滿三千大千世界放大光
 明普照三千大千世界復有眾寶宮
 殿以為莊嚴一切花樹開敷鮮茂曲
 枝垂下一切果樹悉成果實亦皆垂
 下一切香水泉源河池迴洄旋流更

相灌注演出種種娛樂音聲諸天眾
 寶莊嚴樓閣騏驎師子香鳥白鹿鳳
 凰孔雀異類禽獸各與眷屬寶持供
 具皆志歡喜出哀和音無量寶藏自
 然涌出四方風起猶如金輪吹眾雜
 花散道場地天龍夜叉捷闍婆阿修
 羅迦樓羅緊那羅摩睺羅伽人非人
 等充滿林間
 尔時安住地神告善財言善來善男
 子汝欲自見往昔曾於此處所種善
 根福報果不是時善財童子頭面敬
 礼安住天足遠無數匝却住一面白
 言大聖唯然欲見尔時安住地神即
 以足指案此大地無量阿僧祇那由
 他摩厘寶藏開發顯現眾吉祥瓶自
 然涌出善男子汝昔布施果報致此
 寶藏恣隨汝意以用布施善男子我
 已成就菩薩不可壞智慧藏法門我
 從然燈佛來獲大善根常住此地次
 第護諸菩薩令得深入智慧境界盡
 其源底大願成滿淨善薩行出生一
 切三昧修一切神通具足一切善薩
 大方廣功德力具足諸善薩大威德

華嚴經卷第十

力成就菩薩不可測智慧其心堅固
 不可破壞放光明網遊諸佛刹間諸
 如來受記法輪一切如來所轉法輪
 一切修多羅雲以大法光明普化衆
 生受持諸佛自在神力守護諸佛大
 法明力示教利喜我唯知此菩薩不
 可破壞智慧法門善男子乃往古世
 過須彌山微塵數劫有劫名光明淨
 世界名月幢如來号善眼善男子我
 於光明淨劫善眼佛所思惟得此法
 門修習長養淨此法門增進高廣普
 演法門於其中間常得見佛從光明
 劫乃至賢劫於其中間過不可說不
 可說佛刹微塵等劫劫中諸佛我悉
 親近具足供養如是諸佛往詣道場
 菩提樹下諸莊嚴具我悉得見於一
 一佛所聽受修習得此法門於諸佛
 所修習善根以此善根聞法因緣得
 不可壞截智慧法門善男子我唯知
 此菩薩不可壞截智慧法門諸大菩
 薩於一切佛所親近供養諸佛說法
 悉聞受持隨佛音聲為他演說念念
 相續得入佛心住佛秘密得淨法身

華嚴經卷第十

越出菩薩無明習翳出生一切諸佛
 影藏善說句義憶持不忘普現諸色
 身於身不二相諸菩薩行無量无边
 我當云何能知能說善男子此閻浮
 提有國名無惱城名勝忍於彼城中
 有一夜天名娑婆娑隨汝詣彼問云
 何菩薩學菩薩行修菩薩道時善財
 童子頭面敬礼安住神足遠無數匝
 眷仰辭退漸漸遊行詣夜天所
 尔時善財童子正念思惟彼地天教
 菩薩不可壞智慧法門修菩薩三昧
 明趣入隨意觀察菩薩律儀法式其
 心明了諸菩薩自在遊戲神通觀察
 一切清淨法性深入菩薩甚深智慧
 究竟境界深入菩薩智海法門隨順
 菩薩觀察无壞智海法門觀察菩薩
 深極無邊清淨不壞法門觀察菩薩
 法雲法海廣覆法門漸漸遊行至彼
 大城遠無數匝從東門入城中而住
 尔時善財日没未久思慕大師如渴
 欲飲隨順一切諸菩薩教一心合掌
 欲見大師娑婆娑隨夜天於善知識
 所起於如來應供正遍知想普眼境

華嚴經卷第十

界顯現十方一切色身及智慧力遍
 至一切樂見善知識住淨境界普見
 一切諸善知識慈心境界妙藏法門
 得一切法正智慧眼觀察十方三昧
 智海普眼境界不出不入同一如性
 一切光明法界智海大智慧眼深廣
 無邊見彼夜天於其城上虛空中住
 嚴寶樓閣香蓮華藏莊嚴世界坐寶
 蓮華身真金色頂髻鬘文妙金精色
 目瞳紺青分齊分明色相端嚴殊妙
 第一衆寶嚴身希有无比見者歡喜
 視之無歇身服朱衣妙寶嚴飾頂上
 髻鬘猶如梵王尔時夜天即為善財
 童子說盡髻鬘王頂法身印陀羅尼
 即說呪曰
 勃訶 婆羅娑婆那 陀羅尼 毗遮
 梵摩閣宅震那 舍利囉 摩鳩吒
 陀羅尼 毗遮 斫迦羅陀羅尼 哆莎
 呵地莎呵
 善男子若有得此陀羅尼者於其身
 上諸毛孔中普現一切日月五星二
 十八宿亦現一切震曜光明以此光
 明普照無量世界一切衆生於刹那

頃能見衆生在三惡道受八難苦於一毛孔皆悉覩見所化衆生或見衆生樂生天者或有樂得聲聞乘者或有樂得緣覺乘者或有樂得一切種智者於一毛孔皆悉顯現或有樂見種種方便形色威儀音聲說法及諸語言亦於一念皆悉覩見如是微妙法音清徹隨所樂聞經無數劫亦於毛孔皆悉見聞及諸菩薩一切行等或見菩薩勇猛精進修諸三昧神通力門菩薩自在神力境界菩薩所住菩薩光明菩薩神通奮迅法門如是種種隨所化衆生皆於毛孔悉得見聞皆是菩薩本行所得

亦時善財童子見聞是已心大歡喜頭面敬礼彼夜天足遶無數匝恭敬合掌於一面立白言天神我已先發阿耨多羅三藐三菩提心心生信解因善知識得見諸佛聞法功德唯願天神今當為我開示顯現諸菩薩所行薩婆若道若有菩薩向此道者當得菩薩十地十力亦時夜天告善財言善哉善哉善男子汝能敬善知識

隨順其教若有菩薩敬善知識隨順其教疾疾當得阿耨多羅三藐三菩提善男子唯我成就菩薩光明普照諸法壞散衆生愚癡破魔法門善男子我於邪見惡衆生中發大慈心於不善業逆衆生中發大悲心於修善衆生發歡喜心於善等衆生起無二心於汙汙衆生發清淨心於邪見者我衆生起平等心於下賤不淨衆生發歡喜心於著樂衆生清淨心於樂生死輪轉衆生發善隨順解生死輪於樂聲聞緣覺衆生發起安立住一切智菩提道心善男子我常如是思惟教化一切衆生成就菩薩光明普照壞散衆生愚癡破魔法門於夜後分人靖無聲時一切鬼神交橫馳走時盜賊遊行時比丘離威儀時煙雲塵霧昏蔽日月不見色時我於彼處為作明眼引導令過若有衆生在於城邑村營聚落山巖曠野八方大海中乃至一切水陸叢林嶮路迷道怖畏雲雷霹靂難愚人恐怖禽獸難曠野盜賊難國土飢饉疾疫難鬪戰

破壞難以陀羅尼力滅其恐怖若有衆生遭於海難黑風揚波大浪迴覆商人迷惑不見邊涯如是種種水陸諸難我於彼處為作歸依或作洲渚或作船形濟諸溺人或作薩薄或作斂人或作鳥王形馬王形或作小鳥形龍龜鼈形阿修羅王形海神龍王形或作狗王蚊蚋形現如是等種種類形為作歸趣方便度脫一切苦難願諸衆生離五陰苦得解脫道一切人間於夜間時瓦礫荆棘丘陵坵阜毒虵師子虎狼虺蝮一切毒害寒熱風難我於亦時作日月形明星形流星形彗星形或作雷電霹靂之聲或作寶光明形或作熒惑太白諸災異星變怪之形或作諸天宮殿或作天王形或作諸天龍神八部之形或作轉輪王形諸小王形種種人形或作菩薩形或作如來形以陀羅尼力種種方便覆護衆生願諸衆生常得安隱大悲覆護住佛所住或作山巖石窟形或作溪澗泉池林木藥草花果樹形或作百種甘饍香美飲食或作水

雪或作影響蔭涼之形或作平地道路巷陌或作迦陵頻伽孔雀玉等衆鳥之形或作藥樹玉放光明形或作山神地神形或作炬燭電光之形若有衆生在山險平澤諸怖畏處以陀羅尼力為作救護我以如是種種方便令諸衆生得免憂苦離生死海發如是念令諸衆生越我憊山又願衆生超生死流慧炬炎熾破無明闇燒五陰村度死生澤善男子我於生死險難愚癡衆生以陀羅尼力決生死網恐怖繫縛惡罵呪咀兩舌惡口誹謗讒違我於今時作迦陵頻伽鳥微妙之聲說陀羅尼令彼悅樂解脫憂苦若嬰兒童子壯年耆老盲瘖癱癱殘拘攣疥癩癰疽乃至四百四病以陀羅尼力作大醫王現病人前為說種種諸治病法各得除愈善男子我復作是念見諸衆生樂者五欲棘刺林者樂者邪見顛倒說者樂者國土生憍慢者如是種種愛者苦難逼切其身不覺不知隨彼衆生在在處處念何事思何事以陀羅尼力即為

現身示導正路令得安樂蒙我恩力離衆苦難得安隱處我為彼人復發誓願令諸衆生遠離三塗永得解脫一切衆苦專求智慧向菩提道無衆憂患常得安隱離五陰縛若有邊方諸小國土國王王子善男子善女人憂國土諍訟事憂生業田宅事憂名稱榮位自在事如是種種危危怖難我於彼處以陀羅尼方便之力令彼和同皆得安隱復發是願令諸衆生除五陰十二入十八界等一切諸著越生死河安住彼岸又願衆生住佛一切種智境界永離見者出生安樂一切佛行若有衆生著聚落業無明繫縛六十二見種種見者受諸苦惱甚可憐傷我以陀羅尼方便為其說法令得厭離以法攝之復作是念令諸衆生安住無上正法道地復作是念願諸衆生悉皆遠離六入空聚超出生死究竟境界安處薩婆若寂滅樂處復次善男子如迷方人以東為西以西為東以南為北以北為南四維上下亦復如是一切世間迷法

之人不知正道亦復如是善男子世有三人一狂二癡三者風病如此三人橫興毒害手執利劍欲斫東方反斫西方欲斫西方反斫東方欲斫南方反斫北方欲斫北方反斫南方四維上下亦復如是謗法之人亦復如是心顛倒故於正法中而生邪想於邪法中生正法想於常法中生無常想於無常法中生於常想於樂法中生於苦想於苦法中生於樂想於不淨中生於淨想於無我法中橫生我想於平地中生嶮想於嶮中生平地想豐樂之世生飢饉想飢饉之世生豐樂之想人民熾盛世生空荒想空荒之世生熾盛想如此愚癡失道衆生迷惑衆生失性衆生我以種種方便陀羅尼力放大光明於黑闇處欲出道者開其門戶為愚癡者放大光明開智慧眼為失道衆生開示正路而引道之若有衆生欲度流者為作橋船津濟洲渚令到彼岸不知方域亦以樂土丘墟坑坎化為平地生柔軟草或復現作城邑聚落及諸妙

新修佛經卷中 第十卷 卷中

大方廣華嚴經 卷中 第十卷 卷中

華嚴經卷中 第十卷 卷中

見邪見諸衆生等及其眷屬作惡律儀見諸衆生遠離正道趣於邪運者諸倒見虛妄迷惑身口意業其行不善種種放逸依止邪法於非正覺生正覺想於正覺所生非正覺想親近惡友受行苦法投淵赴火自墜高巖常翹一脚五熱炙身灰土塗汗卧棘刺上自餓而死感冬潛淵伏藏水下受持鷄狗牛鹿等戒如是種種邪見苦行欲求解脫我以種種方便除其邪見令得安住於正見中令諸人天得寂上樂復發是願願諸衆生出離世間不著邪見安處無上正真之道得不退轉成一切智究竟滿足普賢菩薩大願之行向一切智不離菩薩一切諸地不懷一切衆生苦性而得解脫今時夜天婆娑婆陁欲重宣菩薩光明普照諸法壞散衆生愚癡法門承佛威神觀察十方即為善財童子以偈頌曰

我所成妙法 知時諸門地 照除愚癡闇
普觀一切法 我法門寂靜 久修慈心得
無量無數劫 大悲覆群生 成就大悲海

出生三世佛 除滅一切苦 善財速究竟
佛子心歡喜 永離世間惡 超出三界苦
受諸賢聖樂 遠離有為惡 聲聞智解脫
滿足諸佛智 佛子應究竟 我以遍淨眼
普觀十方刹 於彼世界中 諸佛坐道場
相好莊嚴身 無量衆圍遶 放大光明海
普化諸群生 觀諸衆生類 死此而生彼
迴流六趣中 倍受諸苦毒 我以淨耳海
普聞十方音 一切語言海 皆悉能受持
我以淨鼻根 法海中无導 能入諸法門
善財應究竟 我成大人相 清淨廣長舌
隨應演說法 佛子應究竟 清淨妙法身
三世如如等 隨其所應化 一切無不現
我心無所著 澄清如虛空 普攝佛境界
而亦無二相 悉知无量刹 衆生諸心海
分別諸根意 遠離虛妄法 我以神通力
遍遊无量刹 普覆一切衆 調伏諸衆生
智慧淨如空 無比无盡藏 供養一切佛
饒益諸衆生 廣大淨智慧 了知諸法海
除滅衆癡惑 佛子應究竟 我入佛法海
通達三世法 明了一切智 无能測量者
一一微塵中 悉見佛刹海 或覩三世佛
真實智慧力 見盧舍那佛 道場成正覺

十方微塵刹 悉轉正法輪
今時善財童子白天神言發阿耨多羅三藐三菩提心為已幾時得此法門其已久如乃能如是饒益衆生答言佛子乃往古世過須彌山微塵數等劫復過是數無量无边彼有世界名七寶功德集劫名光明寂靜國名寶月光明城名蓮花光象閻浮提中於此劫中有五百億佛出興于世時彼城中有轉輪聖王名善法度以聖王法正法治世七寶自至王四天下壽命一劫威力自在不加兵仗自然太平彼王所重第一夫人名日月意其王夫人伎樂自娛至於中夜淳昏而眠夢此城中有一夜天名寂正覺寂靜光明來至其前合掌而立而作是言咄善女人汝今知不於蓮花光大城之東有林名寂靜光微妙德於此林中有菩提樹名一切佛自在光有佛世尊号一切法雷音王坐此樹下成等正覺十号具足放大光明名摩尼王普照一切彼雷音王佛出興於世於菩提樹下始成正覺已經七

日時彼夜天稱揚讚歎顯說如來無量功德自在神通令彼夫人發無上道心讚歎普賢菩薩一切願行時王夫人即於夢中敬禮彼佛發阿耨多羅三藐三菩提心供養佛時世尊放金色光觸夫人心遍照宮城皆同金色時彼夫人即從眠覺亦時彼佛侍從聲聞菩薩一切大眾現夫人前是時夫人頭面敬禮佛及大眾供養恭敬尊重讚歎即發誓願願此功德於將來世天人之中最尊最勝善男子汝今當知時王夫人月意者豈異人乎我身是也我於彼佛所初發道心莊嚴功德種大善根起越須彌微塵等劫不墮地獄餓鬼畜生閻羅王處下賤之家具足諸根滅除眾苦常於人天中得取勝果報常得不離親近善友常生諸佛菩薩之家不生五濁劫善男子我獲善利於彼佛所深種善根長養善根於八十億須彌山微塵等劫常受快樂而未滿足菩薩善根亦未獲得三昧神通得過八十億須彌山微塵等劫過此劫已復過一

百劫有劫名清淨無憂世界名清淨威德勝彼世界中有五百億佛出興於世成等正覺十号具足彼佛國土或淨或穢我時次第供養彼佛彼佛世界有一四天下名離垢幢城名莊嚴我於亦時為明勝長者女名勝慧光端正殊妙於彼世中值取初佛名須彌山善寂幢時有一天名淨覺月以本願力生彼城中復有夜天名清淨眼於睡眠中入於王宮即至我所顯現妙身讚歎如來勸我發心令住佛所作如是言須彌山善寂幢佛始成正覺放大光明已經七日亦時夜天引導於我我即驚覺見大光明遍滿宮室父母驚喜即告我言此何光明金色顯赫明照吾室我於亦時即白父母我於夢中見一夜天讚歎如來勝妙功德有佛世尊名須彌山善寂幢出現於世已經七日唯願父母與諸眷屬往詣佛所供養恭敬聽佛說法父母歡喜即便許可是時夜天在前引導我與父母及親眷屬俱詣佛所頭面禮足退坐一面見佛色身

微妙光明即得菩薩清淨三世普智慧光明三昧得此三昧已憶念過去如須彌山微塵等劫所見諸佛所說經法受持不忘即得光明普照諸法壞散眾生愚癡破魔法門得此法門已復憶過去十世界微塵數劫世界時事又見彼諸一切眾生及其業報好醜諸根利鈍性欲不同語言音聲久修善業親近善知識隨其所應亦現色身為作利益見如此事如今現在我以此三昧力於念念中增長法門心心相續能以一身充滿十方微塵等世界乃至充滿一切世界微塵等海又復過彼一切世界微塵數不可說不可說世界如是世界中悉見一切諸佛聞佛說法志能憶念受持分別了知彼佛本淨願海又知諸佛發清淨願莊嚴佛土我今亦欲嚴淨一切世界海眾生令得淨土如今現前隨彼眾生所應見身即為示現調伏其心而化度之我從昔來乃至今日剎那相續長養增進修此法門如此法門究竟廣大如法界等善男子

佛說羅摩伽經卷中 第三十八

佛說羅摩伽經卷中 第三十八

佛說羅摩伽經卷中

校勘記

一 底本，金藏廣勝寺本。八四四頁
中原版缺，同頁下一行至一六行
原版殘缺，以麗藏本補。

一 八四三頁中一四行末字「養」，
〔資〕、〔普〕、〔徑〕、〔清〕作「具」。

一 八四三頁下一七行第一一字「妙」，
〔資〕、〔積〕、〔普〕、〔徑〕、〔清〕無。

一 八四三頁下一八行「普賢」，
〔積〕、〔普〕、〔徑〕、〔清〕作「菩薩」。

一 八四四頁上一〇行第五字「現」，
〔資〕、〔積〕、〔普〕、〔徑〕、〔清〕作「門」。

一 八四四頁上一八行第七字「日」，
〔資〕、〔積〕、〔普〕、〔徑〕、〔清〕無。

一 八四四頁上一〇行「禮敬」，
〔資〕、〔積〕、〔普〕、〔徑〕、〔清〕作「敬禮」。

一 八四四頁下一四行「羅法」，
〔資〕、〔積〕、〔普〕、〔徑〕、〔清〕作「佉羅」。

一 八四五頁上一九行「无礙」，
〔麗〕作「諸」。

猶如須彌山 法身湛然淨 三世悉平等
普攝諸衆生 其人無所著 開演淨光明
普照一切趣 於一毛孔中 悉見諸星宿
心淨無所依 如日在空中 攝取法正法
明淨深智慧 一一毛孔光 遍照十方刹
於一切佛所 弥布法雲雨 一切毛孔中
亦現變化身 充滿十方刹 方便度衆生
初行菩薩時 淨業不思議 一一毛孔中
顯現十方刹 識知見聞者 悉得功德利
專求善提道 必成佛无疑 不思議等劫
常求善知識 寧墮三惡道 不捨菩提心
百千微塵劫 讚歎一切德 衆劫猶可盡
功德無窮已
尔時善財童子頭面敬禮彼夜天足
連無數匝眷仰觀察心無厭足辭退
南行向摩伽陀國
佛說羅摩伽經卷中

我唯知此菩薩光明普照一切諸法
壞散衆生破魔法門諸大菩薩究竟
無量无边普賢菩薩所行願海深入
一切諸法界海建立一切諸菩薩智
慧童子時遊戲神通大願成滿守護
受持諸佛如來大功德海於念念中
莊嚴教化一切衆生成就滿足智慧
性海除滅無明迷惑顛倒普施淨慧
猶如秋月菩薩住世遍照三界不著
衆相消除熱惱示現三世自在神通
運載衆生開示正道出生三世圓滿
清淨一切音聲充溢十方一切法界
從初發心乃至十地於其中間皆悉
具足無量功德不可思議諸神通力
智慧光明我當云何能知能說彼菩
薩行善男子此閻浮提摩伽提國有
一夜天名妙功德離垢光明彼夜天
者是我大師先已勸我發阿耨多羅
三藐三菩提心亦教利喜汝詣彼問
云何菩薩學菩薩行修菩薩道尔時
善財童子即以偈讚婆娑婆陀而說
頌曰
我見尊淨身 相好自在嚴 超出於世間

一 八四五頁中五行末字「南」，**麗**作「南方」。

一 八四五頁中九行末字「陔」，**資**、**磧**、**普**、**徑**、**清**無。

一 八四六頁上九行第一〇字「眼」，**磧**、**普**、**徑**、**清**作「根」。

一 八四六頁上一〇行第七字「眼」，**徑**、**清**作「根」。

一 八四六頁中一九行「城中」，諸本作「中城」。

一 八四六頁下二二行第八字「震」，**資**、**磧**、**普**、**徑**、**清**作「辰」。

一 八四七頁中七行第八字「善」，諸本作「善惡」。

一 八四七頁中二〇行第一三字「方」，**資**、**磧**、**普**、**徑**、**清**作「萬」。

一 八四七頁下二行「迴覆」，**資**作「迴復」；**磧**、**普**、**徑**、**清**作「洄復」。

一 八四七頁下五行第一二字「薄」，**資**、**磧**、**普**、**徑**、**清**作「薄」。

一 八四七頁下六行首字「鮫」，諸本作「鮫」。

一 八四七頁下七行第四字「龜」，**麗**無。

一 八四八頁上一〇行「死生」，**資**、**磧**、**普**、**徑**、**清**作「生死」。

一 八四八頁上一二行第九字「咀」，**磧**、**普**、**徑**、**清**作「詛」。

一 八四八頁下一四行第五字「之」，諸本無。

一 八四八頁下一四行「人民熾盛世」，**資**、**磧**、**普**、**徑**、**清**作「人民熾盛」；**麗**作「民熾盛世」。

一 八四八頁下一九行第六字「眼」，**資**、**磧**、**普**、**徑**、**清**作「明」。

一 八四九頁上九行第五字「想」，**資**、**磧**、**普**、**徑**、**清**作「相」。

一 八四九頁上二一行第二字「增」，**資**、**磧**、**普**、**徑**、**清**作「憎」，下同。

一 八五〇頁上三行第一二字「其」，**資**、**磧**、**普**、**徑**、**清**作「具」。

一 八五〇頁上一六行第六字「懷」，**資**、**磧**、**普**、**徑**、**清**作「壞」。

一 八五〇頁中八行第一二字「以」，

資、**磧**、**普**、**徑**、**清**作「諸」。

一 八五〇頁中一二行第二字「應」，**資**、**磧**、**普**、**徑**、**清**作「廣」。

一 八五〇頁中二〇行第四字「癡」，**資**、**磧**、**普**、**徑**、**清**作「疑」。

一 八五〇頁下四行第七字「能」至八五一頁中二行第二字「德」止，自八五一頁中二行第三字「勝」至八五一頁下一五行第八字「如」止，此兩段經文，**資**、**磧**、**普**、**徑**、**清**前後倒置。

一 八五〇頁下一五行第二字「眠」，**資**、**磧**、**普**、**徑**、**清**作「卧」。

一 八五〇頁下一六行第一二字「立」，**資**、**磧**、**普**、**徑**、**清**作「住」。

一 八五一頁中九行第一〇字「有」，**資**、**磧**、**普**、**徑**、**清**作「爲」。

一 八五一頁中一一行末字「住」，諸本作「往」。

一 八五一頁中二二行「及親」，**資**、**磧**、**普**、**徑**、**清**作「親戚」。

一 八五一頁下七行首字「時」，**資**、

一 磧、普、徑、清作「等」。

一 八五一頁下二二行「刹那」，
磧、普、徑、清作「刹那刹那」。

一 八五二頁上一二行第八字「溢」，
資、磧、普、徑、清作「滿」。

一 八五二頁上一六行第一二字「提」，
資、磧、普、徑、清作「陀」。

一 八五二頁上一七行第五字「妙」，
資、磧、普、徑、清作「微妙」。

一 八五二頁中四行第一四字「正」，
諸本作「王」。

一 八五二頁中七行第九字「力」諸本
作「方」。

佛說羅摩伽經卷下

西秦沙門聖堅譯

羌

尔時善財童子一心思惟彼夜天教初發道心圓滿清淨思惟是已即得深入諸菩薩藏出生菩薩大願法海淨諸菩薩波羅蜜道窮盡菩薩圓滿勝淨行業發起成就深入智海以一切智救護十方一切衆生長養增廣大慈悲雲於諸佛剎出生普賢諸大願行漸漸遊行至普甚深微妙功德離垢光明夜天所顯面敬禮遶無數而却住一面恭敬合掌白言天神我已先發阿耨多羅三藐三菩提心而未知云何修菩薩行具足諸地答言善哉善哉童子乃能發阿耨多羅三藐三菩提心問菩薩行具足諸地善男子菩薩成就十法則能具足菩薩所行何等為十一者忠得諸佛現前三昧見一切佛色身了了分明二者得淨眼三昧見一切佛三十二相八十種好莊嚴其身三者得無量無邊功德淨眼見一切佛深妙功德智慧

大海四者見無量無邊佛光明海忠能普照一切法界五者無量不可思議佛法光明於一毛孔放大光明普照一切衆生數等令種種衆生皆發阿耨多羅三藐三菩提心成光明海諸佛如來普慈等心於念念頃十方世界施作佛事於諸衆生隨其所應而度脫之令無量衆生皆得解脫六者於一一毛孔中悉見一切寶珠光明摩尼寶海七者於念念中出一切諸佛變化大海充滿法界究竟一切諸佛境界教化衆生而無障尋八者出一切佛無住微妙音聲大海轉三世佛清淨法輪演說一切修多羅海及法雲海其義深遠无能窮盡九者究竟諸佛音聲海深入一切如來海究竟一切如來海十者深入示現不思議佛自在神力化度衆生住無量無邊諸佛名稱海善男子此名菩薩十法若有菩薩具此十法則能滿足菩薩諸行亦能悉修普賢行願善男子我已成就菩薩寂滅定樂精進法門以此定力悉見三世嚴淨佛剎一

切諸佛及眷屬海悉見無量無邊諸佛如來神通力海分別了知諸佛名号諸佛如來轉法輪海知彼諸佛壽命短促及以無量知彼諸佛無量微妙淨音聲海彼諸如來清淨法身無量無邊充滿法界亦不著如來一切諸相而無相好想何以故諸佛如來無來去相已滅一切來去相故不住三世如如際故亦非過去不住現在滅於一切世間相相故不取一切來去相故故名如來不來不去諸佛如來不生不起不退不沒不滅不現故名法身諸佛如來不起語性不滅語性過一切語言語言斷故非實滅身亦現滅度猶如幻法性不壞故諸佛如來非實非虛欲為饒益諸衆生故一切如來以如來道無來无去出興於世諸佛如來不生不沒不滅不住不至此不往彼法性清淨不可壞故諸佛如來無性无相離於一切語言道故諸佛如來以一如相同入法性無邊際故究竟一切法界性故善男子我如如是了知於一切如來唯得此

羅摩伽經卷下 第六

寂滅定樂精進法門照明增長廣大
善根深入隨順如寂甚深普現境界
分別了知虛妄平等相演說甚深平
等大法以大悲心普攝一切未曾捨
離一心善寂无起滅想增長正受入
寂滅定起於初禪除滅意業得寂智
力攝取衆生歡喜悅樂入第二禪捨
離生死寂滅涅槃觀衆生性修第三
禪為滅衆生諸煩惱苦而不見衆生
相修第四禪增長一切智菩提心願
出生一切菩薩定海巧妙方便深入
一切諸法門海成就菩薩遊戲神通
出生菩薩自在神力明淨智慧深入
普門法界復次善男子我唯如是修
習菩薩寂滅定樂精進法門以種種
方便度脫衆生夜半靜時為諸在家
貧者五欲者說不淨相為計樂者說
苦惱想逼迫繫縛想食不淨想心狂
癡想羅刹鬼想為計常者說無常想
八苦集身想无我我想不自在想空
想如是等常无常苦無苦想觀此想
已教彼衆生令厭離五欲呵責身心
想信家非家出家學道想於空閑處

羅摩伽經卷下 第六

思惟坐禪除一切障導諸惡乱道聲
想於夜寂靜為諸衆生心安隱故亦
現如是以鬼神力除其恐怖令發道
心若有樂欲求出家者我當為開正
法心門光明照路除其闇冥令不怖
畏即為彼人讚佛法僧令發道意又
復讚歎親近善知識修功德行善男
子我今以此法門力故令諸衆生未
生惡法方便令不生已生惡法方便
令滅未生善法方便令生已生善法
方便令增長廣行菩薩行修諸波羅
蜜滿足大願出生一切智慧慈悲欲
令衆生得人天樂除去妄想增長善
法隨順助成無盡无边無受法行善
男子我唯知此菩薩寂滅定樂精進
法門諸大菩薩滿普賢願具足普賢
所行之行究竟得離除闇境界而得
成就諸善根力如來功德智慧光明
佛境界力一切佛心無所障導出生
死闇无所染汙志具一切薩婆若願
深入一切諸佛刹海攝取一切諸佛
法海成就一切妙法雲海如來智慧
普能饒益一切衆生没生死闇者以

羅摩伽經卷下 第六

智慧光照生死夜我當云何能知能
說彼功德行善男子去此不遠向如
來右面有一夜天名曰喜目觀察衆
生汝詣彼問云何菩薩學菩薩行修
菩薩道尔時普甚深微妙功德離垢
光明夜天欲重宣此法門義以偈頌曰
深入現前定 普見三世佛 淨眼無垢稱
分別諸佛海 觀察淨妙身 深入佛相好
一念無量力 普知法界性 淨身坐道場
盧舍那正覺 十方法界中 轉淨妙法輪
佛覺智寶勝 滅盡相無二 衆妙好莊嚴
顯示一切衆 佛身難思議 同一虛空身
普現十方刹 一時志教化 放圓淨光明
攝諸佛刹等 不思議淨色 普照諸法界
於一一毛孔 現無量佛刹 无量微妙色
普照諸世界 不思議光明 從於毛孔現
普照衆生類 除滅衆煩惱 化佛出妙音
充滿十方界 普見諸佛刹 皆悉如雷電
如來妙音聲 充滿十方界 普雨甘露法
令發菩提心 無數劫修行 攝受諸衆生
普見盧舍那 一切諸佛刹 一切世音響
如來悉出離 普現群萌類 今衆佳境界
一切諸菩薩 所行不思議 於佛一毛孔

一念志能知 不速有夜天 名喜目觀察
汝可詣彼問 云何善薩行

尔時善財童子頭面敬禮彼夜天足
遶無數匝眷仰辭退向喜目觀察衆
生夜天所尔時善財童子專求善知
識正念善知識教因善知識生諸功
德發菩提心善知識者難見難遇見
善知識生歡喜心滅諸亂想善知識
者滅除疑惑能壞障見善知識當
知即得近一切智見善知識即得深
入諸佛法海見善知識起一切十方
諸如來想聞善知識有所宣說當知
即得正念法雲陀羅尼想受持一切
清淨佛法見一切佛轉法輪想見善
知識即具一切大悲悲海救護衆生
見善知識當生歡喜智慧明淨志能
普照一切佛法界海尔時喜目觀察
衆生夜天以威神力加善財童子讚
善財言善哉善哉善男子乃能如是
求善知識詣善知識親近供養善知
識者即是菩提求善知識是大精進
善男子善知識者難見難遇善知識
力不可破壞善知識者善遊十方除

滅生死志斷煩惱能成辦才善知識
者深入一切無量大事莊嚴正順道
善知識者志是普現法門能令一切
得無障導不離本處遍至十方一切
佛所求善知識當起是想不來不去
不動不搖無來去相為一切智救護
衆生應求善友尔時善財童子見善
知識即得了知無量无边諸大願海
得一切智饒益衆生親近善友為諸
衆生无量無數恒沙微塵世界海盡
此世界海盡此世界邊際復過是數
無量无边不可說不可說大地獄
為彼衆生起於慈悲正向菩提除滅
衆生無量劫苦以一音聲普遍十方
一切世界講宣妙法若有聞者滅無
量劫生死罪障以大慈願而自莊嚴
修善薩行於念念中得一切智相具
神通力於一切處常見一切諸佛如
來親近供養為善知識以佛莊嚴而
自莊嚴普淨三世諸佛法界不入生
流不住死流具佛神通不住法界不
離法界而能往詣十方世界充滿法
界善知識所不著語言剎那剎那頃

修善薩行滿足性境界成就薩婆若
具一切佛神通遊戲莊嚴佛道以平
等法身心不動普攝衆生善知識力
顯現三世尔時善財童子即詣喜目
觀察衆生夜天所時彼夜天於大衆
中處寶蓮華師子之座正受菩薩普
現光幢喜淨法門一切毛孔出妙色
雲其有見者喜悅無厭一一毛孔現
衆寶雲所謂智慧行報饒益衆生離
於諍訟以平等心不著諸法以上妙智
攝諸衆生顯現三世修善薩行心無
慳怯能捨難捨普施一切身心平等
不可思議以布施福普攝衆生於諸
衆生不起染著不見衆相不捨衆生
志具三世菩薩苦行十方世界一切
衆生無明繫縛住癡有結善薩即以
大悲神通解其繫縛又於一切毛孔
出生一切衆生數等善薩自在隨應
變化身雲以此身雲充滿一切虛空
法界於衆生前亦現色身正受不動
於衆生前三昧神通覺悟衆生不樂
世間遠離三界滅除生死如避火坑
而於一切亦現生死現天人中種種

摩訶般若經卷下 第十一張 光
 快樂及成敗相為諸眾生說不淨觀
 令諸眾生皆悉修行除顛倒想為諸
 眾生說於變易苦惱之法一切受身
 有為之法皆悉無常願諸眾生深入
 佛境界永離無常住不可思議尸波
 羅蜜恒受諸佛清淨禁戒終不毀犯
 心無疑惑亦諸眾生具足禁戒以戒香
 熏一切眾生又於毛孔出生一切妙
 色身雲割截手足及諸支體捶打遍
 切訶責惡罵妄言誹謗皆悉忍受於
 彼眾生不生瞋心不起害意讚歎惡
 人終不毀犯身心恭敬深生恩愛猶
 如父母慈念一子雖作此行不生憍
 慢貢高之心顯現諸法真如法忍善
 能和合一切世界諸惡眾生深知盡
 無盡性虛空智慧行菩薩忍以佛心
 智斷一切煩惱滅一切結習悉能荷
 負一切世間醜惡眾生如護眼目願
 一切眾生成就諸佛金剛忍德淨無
 瑕穢又於一一毛孔顯現如來清淨
 色身隨所應度眾生皆令得見又於
 一一毛孔出生一切諸趣種種色身
 亦現勇猛精進令眾生修行如救頭

摩訶般若經卷下 第十一張 光
 然降伏諸魔怨得勝不退轉救護於
 一切拔出生死海永離諸憂患及無
 明怖畏越度生死山永離諸欲流供
 養恭敬一切諸佛心無疲厭受持守
 護諸佛法輪勇猛精進滅除障罣普
 攝一切眾生皆令調伏入於律行心
 無懈怠普亦一切淨佛國土教化眾
 生在嚴阿耨多羅三藐三菩提心如
 是功德皆從精進波羅蜜本事果報
 生一一毛孔出現一切種種形色以
 諸方便除滅眾生諸憂惱苦皆令歡
 喜呵責歇息一切五欲深生慙愧調
 伏諸根修行無上寂勝梵行淨身口
 意業顯現世間一切所欲皆不可樂
 亦現如是種種形色皆令快樂常樂
 受持出生正法心不散亂安住深入
 九次第定除滅眾生一切煩惱令得
 安樂顯現菩薩諸三昧海通明自在
 神力境界令諸眾生身心歡喜滅煩
 惱熱得清涼樂增進善法身口意業
 常得善寂諸根悅豫得法喜樂又於
 一一毛孔亦現一切五道生處令十
 方五道皆見其身詣諸佛所盡一切

摩訶般若經卷下 第十一張 光
 佛刹諸佛師長及善知識恭敬供養
 心不懈倦一切如來所轉法輪悉能
 受持終不疲厭不生退轉究竟一切
 諸佛刹海化度眾生亦現一切法海
 護持正法不見法相於一實相亦現
 一切諸三昧門身心清淨能斷一切
 眾生疑惑以智慧力分別一切眾生
 心海以金剛慧破壞眾生諸邪見山
 心生圓滿明淨慧日於一念中能除
 眾生癡冥闇蔽令諸眾生遠離聲聞
 辟支佛地疑惑顛倒有無二邊皆悉
 歡喜得智慧樂悉教一切迴向佛道
 又於一切毛孔出生一切眾生塵數
 等身亦現種種形色身不思議身隨所
 應度悉現其前於一音中說無量音
 無量音中演說一音隨諸一切眾生
 類語說一切諸佛功德之藏亦行世
 間有作无作有記無記悉了三世業
 行果報不樂三界讚歎出世離三界
 法一切顛倒邪見飢饉皆令出離向
 甘露道趣一切智超出諸地二乘怖
 畏於有為無為心无所著皆捨生死
 正向涅槃不捨衆行不離諸趣往來

五道無有疲歇發勝進心成於平等
以正覺法教化衆生得一切智一一
毛孔出生亦現一切佛刹微塵數等
變化身雲遍現一切諸衆生前修普
賢行滿一切願不可窮盡勸進衆生
向薩婆若於一念頃亦現修習一切
淨行供養恭敬一切如來心無厭足
建法幢摧外道守護一切諸菩薩行
心心相續具足一切諸波羅蜜一一
微塵海出生一切諸法性海演說一
切法音聲海遍滿十方微塵刹海以
此音聲復盡微塵世界海劫長養一
切衆生善根住壽一切無量無邊阿
僧祇微塵數佛刹海阿僧祇等微塵
數不可說不可說劫為諸衆生今得
增進復過是數住壽不滅於劫壞時
承佛神力今得不滅三世一切微塵
佛刹諸佛出世悉令往詣恭敬供養
守護受持佛正法輪遊戲神通淨佛
國土教化衆生至彼彼處令諸衆生
皆大歡喜熙怡快樂於一一毛孔出
一切化身應一切衆生衆生業報現
一毛孔又於一一毛孔雨一切供養

具供養諸佛給施衆生法王心力故
無壞境界不可窮盡堅住如相不退
不沒心行平等無住无著出生歡喜
無極清淨之行以慈心力除滅一切
衆生罪惡菩薩本誓善願之力摧壞
四魔滅除一切煩惱業山盡諸世法
修大慈悲於菩薩行得不退轉善攝
一切十方世界有緣衆生今得修行
諸波羅蜜亦現菩薩無盡功德速得
菩薩轉法輪幢勝妙菩提諸陀羅尼
以此勝慧降伏外道具菩薩行力波
羅蜜為諸衆生趣向薩婆若故一一
毛孔亦現一切衆生平等身相令衆
樂見又於一一毛孔顯現一切衆生
類海又復顯現無量無數微塵數生
不可說十方世界海微塵數等諸妙
色身皆悉顯現隨應衆生菩薩智慧
行力顯現不可說不可說智慧大海
善知一切衆生心海善知一切衆生
根海知諸衆生心心數海深入究竟
智慧法界於念念頃普能充滿一切
法界解脫於世間讚歎出世間莊嚴
淨佛國土讚歎淨國衆生習學諸佛

遊戲神通讚歎諸佛神通願力詣諸
佛所供養恭敬守護受持正法輪雲
顯現智慧十波羅蜜今諸衆生皆大
歡喜滅除熱惱遠離憂感及世八法
志捨衆惡調伏諸根於一切智得不
退轉如是諸波羅蜜歡悅安樂化度
衆生諸大菩薩以此勝法震大法雷
覺寤一切睡眠衆生以勝慧法智力
光明普能正彼狂乱惡行亦見諸佛
本性淨行於一毛孔皆悉顯現而不
障身喜目觀察衆生夜天所修功德
求善知識詣諸佛所親近供養修習
諸善行檀波羅蜜難捨能捨捨王
位國土城邑宮殿日婁人民眷屬出
家學道是名行檀波羅蜜行尸波羅
蜜修持淨戒如護一目雖受一切世
間衆苦於所持戒而不毀犯一切衆
生所不能為菩薩行之是名行尸波
羅蜜行羸提波羅蜜一切衆生瞋恚
惡罵撻打毀謗逼切其身皆悉堪忍
無瞋恚色一切衆生奪其利樂言及
親愛如是苦事亦悉能忍設以三火
焚燒其身受一切苦心大歡喜辟如

羅摩經卷下 第十六章 卷一
比丘入第三禪身心悅樂深信諸法堪受諸法不生不滅是名行羸提波羅蜜行毗梨耶波羅蜜為一切智故急受眾苦節節火燒終不恐怖為一切智故起大勇猛如救頭然專求菩提身心堅固不可毀壞無疲極念終不退轉是名行毗梨耶波羅蜜行禪波羅蜜身心不乱而遍諸方滿足清淨禪波羅蜜勇猛精進不捨三昧名淨行入勝三昧神通遊戲度大智海念念相續皆悉次第入清淨定是名禪波羅蜜滿足諸方便身心常淨是名禪波羅蜜一切禪定海究竟諸三昧海次第相續未曾斷絕是名禪波羅蜜行般若波羅蜜不著彼不著此於空法中得大解脫是大菩薩清淨圓滿般若波羅蜜自然智慧出生清淨慧日身心不著入智慧藏究竟觀察大智慧海般若波羅蜜不著法相行勝清淨智境界吉祥般若波羅蜜出生妙義智慧海般若波羅蜜行方便者出生一切諸方便身普知一切

羅摩經卷下 第十七章 卷一
智明淨法界勝進力是名方便波羅蜜淨慧方便生法性生身出入息頃得淨方便無二本行是名方便波羅蜜諸菩薩等本弘捨願出清淨身現生具足攝受眾生於一切眾及諸善行心淨无著是名行方便波羅蜜行願波羅蜜出生一切願海身深入一切智慧諸三昧海超過一切聲聞辟支佛地亦現出生本淨願行波羅蜜不捨不得隨所願求智慧本行淨諸願身是名行淨願波羅蜜行力波羅蜜備諸功德如意自在修助道法是名力波羅蜜因助道法饒益眾修諸功德不著功德不見功德相是名力波羅蜜因力果力皆悉具足猶如大海是名力波羅蜜顯示種種法序說諸智力是名力波羅蜜雜因果力演說智力智雜業力是名行力波羅蜜行智波羅蜜身智波羅蜜名字清淨智波羅蜜智慧境界智波羅蜜正疾行智波羅蜜普現光明猶如妙香異物同熏如呼聲響一切皆應是名智波羅蜜智炎光明勝妙音聲演說

羅摩經卷下 第十八章 卷一
義味無有窮盡普攝一切是名智波羅蜜智波羅蜜出生成滿本行果報性相清淨是名智波羅蜜智波羅蜜無著无護一切智集諸無著助菩提分智慧明了具勝進地深入甚深智行境界是名智波羅蜜智波羅蜜深入微妙知法性法智攝受諸法隨順智慧善知福田及非福田如實之相是名智波羅蜜諸如來智超出三界了達三世善知菩薩一切行業普集眾智无所罣碍亦知菩薩正智住處應修正行又復善知從初發心趣向上地以方便心善知迴向善知諸法如業如報如善知法輪如知法輪如相是名智波羅蜜勝妙無著攝受正法攝受正法者悉知一切法悉知一切法者知法如來知法如去善知業業境界善知刹刹境界善知諸劫善知三世智出生諸佛智知佛智等正智知菩薩智知菩薩智知菩薩住智知菩薩功德智慧智知菩薩淨心迴向善知諸大願智轉法輪智知分別法智入法海智知方便海智知

羅摩伽經卷下 第九卷 先
法旋流陀羅尼智知諸法至趣智知
如是等一切智波羅蜜深遠無底廣
大無邊究竟無際如是勝智十波羅
蜜於一毛孔皆悉顯現一切毛孔皆
悉顯現諸變化身化度眾生又於一
切毛孔出生无量身雲所謂阿迦膩
吒天身雲淨居天身雲善現天身雲
不熱天身雲果實天身雲遍淨天身
雲無量淨天身雲少淨天身雲淨果
天身雲廣果天身雲无量淨果天身
雲少淨果天身雲光音天身雲无量
光音天身雲少光音天身雲大梵天
身雲梵輔天身雲梵富樓那天身雲
梵富樓吉那天身雲梵印天身雲梵
自在天王身雲他化自在天王及其
天子天女身雲化樂天王化樂天子天
女身雲兜率陀天王兜率陀天子天女
身雲炎摩天王及其天子天女身雲釋
提桓因天王及三十二輔臣天子天女
身雲提頭賴吒天王及天子天女眷屬
一切乾闥婆男女身雲毗樓勒又天
王及其眷屬天子天女一切鳩摩茶
男女身雲毗樓博叉天王及其眷屬

羅摩伽經卷下 第十卷 先
天子天女一切龍男女身雲毗沙門
天王及其眷屬天子天女一切夜叉
男女身雲緊那羅王及一切緊那羅
男女身雲摩睺羅伽王及一切摩睺羅
伽男女身雲迦樓羅王及一切迦樓
羅男女身雲阿修羅王及一切阿修
羅男女身雲閻羅王及一切閻羅王
男女身雲并及地獄惡趣身雲人王
身雲男女身雲童男童女身雲出如
是等一切諸趣身雲聲聞辟支佛仙
人身雲地神水神火神風神海神河
神山林樹神穀神味神藥草神園觀
神泉海神城郭神道場神夜神晝神
虛空神方神道神身形神日精神諸
魘魅神金剛力士神步行神如是等
一切神身雲普遍十方一切世界為
法界等一切眾生現喜見身今時喜
目觀察眾生夜天從初發心所行功
德積集無量諸波羅蜜次第受生死
此生彼輪轉五道及其名号親近善
知識值遇諸佛親近供養聞持正法
行菩薩行心無罣碍得諸三昧次第
觀見一切諸佛色身相好見諸佛刹

羅摩伽經卷下 第十一卷 先
及見諸劫次第成壞得淨智慧深入
法界觀察眾生知眾生海死此生彼
得淨天耳次第悉聞一切音聲以聞
聲故得知他心智悉知眾生心心所
念無罣碍神足次第自在不著世間不
受後有盡虛空界淨法性身修得神
通淨妙報果充滿十方得諸菩薩次
第法門究竟菩薩諸法門海菩薩自
在勇猛精進菩薩遊步猶無所畏至
於正趣離生死相勝妙清淨集諸功
德如意法門等一切法界等亦彼一
切功德身雲亦一切智慧身雲演說
法音開現教化令得歸依遍一切處
亦現大道於風輪中扇動占聲亦現
說法令彼受持亦教利喜思惟不著
地動水流海波火炎山相擊聲諸天
宮城震動之聲摩尼寶殿震吼之聲
天王形色鼓舞之聲龍王起雲雷震
之聲夜叉乾闥婆阿修羅迦樓羅緊
那羅摩睺羅伽等一切神王於十寶
山種種音聲轉輪聖王及諸小王一
切人眾男女音聲梵王音聲一切諸
天歌頌音聲天樂音聲摩尼寶王神

珠音聲天音聲聲聞緣覺菩薩音
羅摩經卷下 第三十張 光 拜
 聲如來音聲如來化身所出音聲如
 是等種種音聲為諸眾生分別演說
 喜目觀察眾生夜天從初發心功德
 境界難得能得一切苦行難行能行
 如是等行皆承佛力而得通達一切
 功德變化身雲於一身雲說此清
 淨無著法雲間無斷絕於念念中遊
 十方世界修於淨土復令過是無量
 無邊世界應受惡道苦無量無邊諸
 眾生等成就天人樂無量無邊眾生
 度生死海無量無邊眾生安住聲聞
 辟支佛地無量無邊眾生離聲聞辟
 支佛地得諸菩薩不退轉行不可思
 議廣博喜幢自在法門於念念中令
 無量無邊眾生住如來地
 今時善財童子皆得見聞善知解了
 諸奇特事正念思惟觀察分別深入
 禪定智慧安住平等何以故與彼夜
 天光身同行故佛所護念故成就不
 可思議如幻諸善根故具足菩薩不
 思議根故成就菩薩諸善根故得生
 如來種姓家故得善知識恩力故一

切如來無著神力之所持故毗盧遮
羅摩經卷下 第三十張 光 拜
 那佛本願力故成就善根堪受普賢
 菩薩諸願行故
 今時善財童子得菩薩歡喜淨光明
 大海幢法得十方一切諸如來力得
 彼夜天毗羅摩伽菩薩幢法門得彼
 法門已深入觀察普照十方光明法
 海三昧
 今時善財童子即起恭敬合掌以偈
 讚歎彼夜天曰
 無量無數劫 深入寂勝法 顯現妙法身
 隨眾所應見 了知群生心 無明顛倒惑
 以種種方便 度脫眾生類 常淨妙法身
 久除諸熱惱 非二亦有二 度脫眾生故
 陰入及與界 忠皆無所著 眾行及色身
 解脫一切有 不著內外法 越度生死海
 淨明智慧光 普照生死闇 喜目根无者
 除滅諸疑惑 一切樂世樂 為現佛十方
 無尋三昧力 於一一毛孔 出諸化身雲
 心念生三昧 心念三昧力 供養十方佛
 攝取諸眾生 究竟一切法 觀察諸有海
 業行自莊嚴 演說无導道 令眾清淨故
 相好備嚴飾 猶如普賢像 隨應變化者

顯現無尋身
羅摩經卷下 第三十張 光 拜
 今時善財童子偈讚歎已白言天神
 發向釋多羅三藐三菩提心為已幾
 時得此法門其已久如今時夜天以
 偈答言
 我念過去世 无量剎塵劫 今時有一劫
 名曰寂靜音 城有轉輪王 清淨妙色身
 具三十二相 八十好莊嚴 妙身圓滿幢
 閻浮檀金色 光明照一切 安詳遊虛空
 轉輪王千子 勇健身端正 大臣有一億
 智慧志賢明 有十億姝女 端嚴如天后
 大慈悲柔軟 奉給侍大王 時彼轉輪王
 常以正法治 統領諸山地 一切四天下
 棄國捨世榮 出家求佛道 我為聖王后
 具足梵音聲 身出金色光 周照四万里
 日光既已沒 中夜閑寂然 我當於今時
 神瑞降善夢 聞佛出世間 号曰功德海
 顯現自在力 充滿十方界 放光明網海
 照一切刹土 無量自在身 充滿十方界
 種種變化身 光明果報力 充滿恒河沙
 遍照一切趣 大地六種動 自然出妙音
 如來出興世 眾生皆歡喜 一切毛孔中
 出佛化身海 充滿十方界 隨應演說法

我夢見如是 如來自在力 聞說微妙法
 身心大歡喜 十千夜天神 充滿虛空中
 讚歎彼如來 開發覺悟我 彼天告我言
 賢慧汝今起 佛已興汝國 劫海難值遇
 聞此音歡喜 即見明淨光 觀察從何來
 道場樹王所 我見如來身 如須弥山王
 一切毛孔中 放大光明海 見佛自在力
 心生大歡喜 即發初誓願 願我如世尊
 夫人覺語王 眷屬及妹女 我夢見佛光
 喜樂充滿身 即時與大王 無量鄰由他
 眷屬四兵眾 往詣如來所 我於二万歲
 常供養如來 七寶四天下 一切志奉施
 彼佛為我說 功德普雲經 大願海莊嚴
 隨聞度眾生 我發大誓願 未來作夜天
 諸有放逸者 志令速眾惡 今時我初發
 無上菩提心 生死有為中 未曾有忘失
 從是後供養 十億鄰由他 生死海受樂
 饒益諸眾生 初佛功德海 第二功德燈
 第三寶變佛 第四豐慧智 第五天花藏
 六無尋月音 第七法月王 八圓滿智王
 第九寶炎佛 无上天人尊 第十日音聲
 我已忘供養 如是等諸佛 十億鄰由他
 猶未得慧眼 究竟生死海 次第復有劫

名曰天妙勝 世界名寶光 五百佛興世
 初佛圓滿月 第二明淨日 第三光幢佛
 四須弥山王 第五花炎海 六智慧海幢
 第七然燈佛 第八天德藏 第九光明幢
 第十普智王 如是等諸佛 我已忘供養
 未離五陰苦 非樂生樂想 於法不生疑
 亦不疑正法 次第復有劫 名莊嚴梵音
 今時有世界 名蓮華燈雲 彼有无量佛
 及諸佛眷屬 我已忘供養 聞受持正法
 初佛名寶山 第二功德海 法界須弥幢
 第四法須弥 第五法幢佛 第六地威神
 第七法力佛 第八虛空慧 第九法炎山
 第十照明山 如是等諸佛 我已忘供養
 猶未了真實 究竟盡法海 次第復有劫
 名曰歡喜德 今時有世界 名曰光功德
 彼劫有八十 鄰由他諸佛 我已忘供養
 礼敬寂勝尊 初乳闍婆王 二壽命樹王
 三須弥功德 第四寶眼佛 五毗盧遮那
 六賢聖莊嚴 第七法勝王 第八明淨德
 第九世間王 十一切法王 如是等諸佛
 我皆已供養 猶未得妙智 深入諸法門
 次第復有劫 名曰淨不壞 今時有世界
 名普光莊嚴 十佛興世間 除无量煩惱

功德已莊嚴 嚴淨諸眾生 有千佛興世
 無量德莊嚴 除滅煩惱垢 令眾悉清淨
 初佛名无諍 第二無尋力 第三法界光
 第四梵詰王 五波樓那天 第六眾生歸
 七圓滿忍燈 八具足法燈 九光明嚴海
 第十威神王 如是等諸佛 我皆已供養
 猶未解真法 遊行一切刹 次第復有劫
 名曰香燈刹 今時有世界 名曰清淨起
 一億佛興世 嚴淨一切劫 彼佛所說法
 我聞悉受持 初名法稱王 二名法身海
 三名勇猛頂 四功德法王 第五勝法雲
 六名天首冠 第七智炎佛 八名虛空力
 九名普勝起 十名妙德首 供養彼佛已
 成就八正道 次第復有劫 名明淨金剛
 今時有世界 名曰寶幢王 五百佛興世
 彼諸如來等 我皆已供養 求無尋法門
 初名圓滿德 第二寂然音 第三功德海
 四日威神王 第五法取王 六名須弥相
 第七名法王 第八功德王 第九功德山
 第十光明王 如是等諸佛 我已忘供養
 我皆忘嚴淨 一切取勝道 猶未得具足
 究竟深法忍 次第復有劫 名曰勝稱音
 今時有世界 名曰寂靜音 八十鄰由他

諸佛興出世 我已悉供養 於彼修正道
羅摩伽經卷下 第十八法 光
 初佛号華聚 第二海藏佛 第三功德起
 第四天周羅 第五摩虛藏 六号金山王
 第七寶聚佛 第八寂靜幢 第九法幢佛
 第十号財首 如是等諸佛 我已悉供養
 次第復有劫 名千首功德 今時有世界
 名曰善花燈 六億那由他 諸佛興出世
 我已曾供養 彼一切諸佛 初佛寂靜幢
 第二智印王 第三号百燈 四功德雲王
 寂靜光明王 第六明淨日 第七法燈王
 八功德首王 九天功德藏 十智慧雲雷
 如是等諸佛 我皆已供養 未得無生忍
 究竟諸法門 次第復有劫 名無著光炎
 今時有世界 名無量勝光 有三十六億
 那由他佛出 如是等諸佛 我皆已供養
 初号普山王 第二虛空心 第三号集智
 第四莊嚴藏 第五法海音 第六持音聲
 第七化音聲 第八化雲海 九功德音海
 第十妙音幢 十一普威德 第十二法海
 十三集音聲 十四功德海 十五燈明首
 十六寶炎首 十七燈明佛 十八功德炎
 十九月天佛 二十功德勝 彼諸如來等
 我皆得值過 彼兩足世尊 出興於世時

我為功德天 供養彼寂勝 時佛為我說
羅摩伽經卷下 第十九法 光
 莊嚴大海願 陀羅尼念力 皆志能受持
 我得明淨眼 三昧陀羅尼 於一念中
 志見無數刹 出生大悲藏 深入方便雲
 心淨如虛空 皆從夢中生 始發菩提心
 廣大如虛空 究竟無邊際 為度眾生故
 盡未來際劫 願求諸佛力 觀察諸眾生
 常樂我淨倒 愚癡闇所覆 煩惱起虛妄
 邪見貪欲等 無量諸惡業 一切諸趣中
 具受不善報 一切諸趣中 種種業受身
 生老病死愚 無量苦逼迫 我發无上心
 安樂諸眾生 今至諸佛所 成滿如來力
 滿足大願雲 常見一切佛 修習於正道
 具足諸功德 一向廣專求 無量功德雲
 羅摩伽三昧 充滿諸法界 廣大波羅蜜
 聲聞十方刹 一切諸佛所 聞此羅摩伽
 即具普賢行 入淨深法界 攝持一切法
 成滿一切地 三世方便海 修習無量行
 一心具佛智 智慧志通達
 今時夜天說 此偈已 頭面敬禮 一切
 諸佛未舉頭 頃見一切如來 足下千
 輻相輪 逆觀如來 一切相好 於佛相
 好中 身心明了 不著相好 以廣大心

速疾間佛 五分法身 者究竟 一切諸
羅摩伽經卷下 第二十法 光
 波羅蜜 住善陸地 盡佛法海 遠離一
 切三世色聲香味觸法 住普賢善陸
 廣行究竟地 圓滿清淨大境界 地於
 一念頃 普現十方無量佛刹 具十法
 門 一一法門 具足無量無邊不可思
 議阿僧祇等 諸法界海 盡一切苦際
 皆志深信 佛子如是 等種種功德 我
 已久修信解 受持具普賢行 善男子
 今時智慧轉輪聖王 劫劫相續 常結
 王位 受佛種性 生釋種家 不斷如來
 善寂種性 者豈異人乎 今文殊師利
 童子是也 今時轉輪聖王 夫人賢慧
 玉女者 今我喜目 觀察眾生 夜天是
 時 覺寤我夜天者 今普賢菩薩所變
 化身是善男子 我於今時 夜夢覺已
 見佛光明 初發阿耨多羅三藐三菩
 提心 發是心已 於無量佛刹 微塵數
 劫 不墮惡道 常生天上下 在人中 受
 諸快樂 值見諸佛 於其中間 經無量
 劫 乃至報應 首功德 幢如來 應供正
 遍知 所得此普光喜幢法門 得此法
 門已 亦現種種身 調伏眾生 隨順開

發皆令親近善知識若天若人及餘一切於未來世間向佛名及聞普光喜幢法門毗羅摩伽三昧名号受持讀誦解說書寫亦得超越無量佛刹微塵劫海生死之罪不墮惡道常生天上人中受諸快樂常見諸佛聞法受持終不忘失善男子我於寶光功德矣佛所得此普光喜幢速疾法門得此法門已一向專求諸善知識身心諸根歡喜悅樂遊諸方面調伏眾生令入律行善男子我唯知此普光喜幢法門毗羅摩伽三昧圓滿清淨勝光境界諸大菩薩於念念頃不離善知識深入方便智慧大海因善知識出生長養速疾法門發一切大願海於一切劫不離善根念念相續近善知識求妙功德救護眾生志具一切普賢菩薩所行之道今時喜目觀察眾生夜天為善財童子顯現菩薩教化一切世間法門境界相好莊嚴身相眉間白豪相中放大光明名普慧炎燈清淨幢無量光明照一切世界已入善財頂充滿其身今時善財

童子即得毗羅摩伽圓滿三昧得此三昧已於一一身充滿法界於一切地水火風微塵眾寶微塵香微塵金剛微塵摩尼珠微塵碎末微塵一切莊嚴微塵如是等一一微塵海中悉見佛刹微塵等世界成壞四大成敗相風輪水輪金剛輪地輪種種莊嚴眾山圍遶無量大海諸天宮殿諸雜寶樹種種莊嚴諸龍宮殿夜叉軋闍婆阿修羅迦樓羅緊那羅人非人等城郭宮殿地獄餓鬼閻羅王處死此生彼皆悉了知諸法因果一一身中普現一切法界等身志見一切諸佛刹土隨所應化度脫眾生業報好醜以微妙音普為說法今此法音從毛孔入令諸眾生皆得法行見一一刹及見一切世界微塵數刹見無量无边一切諸佛如來海深入善根於諸佛所住一切法界於無量佛所得無量法門越度生死遊戲神通於一一佛所自念從初發心修菩薩本行普集善根一切境界果報於一一佛所得聞諸佛所轉法輪受持不忘守護

正法以本願善根力志見三世一切佛海越生死流善男子諸大菩薩成就如是無量无边諸大功德我當云何能知能說彼功德行今時喜目觀察眾生夜天告善財童子言我以此普光喜幢法門力故常見諸佛間無空缺以此義故遍一切處守護佛法盡虛空界心不疲歇云何能為守護一切諸佛正法以毗盧遮那佛本願力故及觀世音菩薩摩訶薩威神力故持白寶蓮華陀羅尼呪擁護受持讀誦行正法者今時喜目觀察眾生夜天承佛神力即說白寶蓮華陀羅尼呪
多耆他 摸利翅 波闍羅 摸利翅 摩他移 毗摩他移 波闍波 檀尼翅 鬱他婆 尼翅 莎呵 禪頭 音頭 翅 莎呵 賒 俾多 鉢頭 摩 無至 翅 莎呵 因 陀羅 波 尼 翅 莎呵 曼 檀 林 莎呵 踰 闍 祇 莎呵
若有受持此呪者不墮地獄餓鬼畜生於現身上終不橫死不遭縣官牢獄繫縛常受一切清淨快樂若有得

此陀羅尼者當知此人常得不離值
羅摩伽經卷下 第五卷 見
 見諸佛亦不離聞佛說法轉正法輪
 又復常得無盡清淨法音聲海辯才
 印陀羅尼若有得聞此陀羅尼者具
 足一切菩薩淨行必度生死海當到
 彼岸

今時善財童子聞此陀羅尼已恭敬
 頂禮喜目觀察衆生夜天足遶無數
 匝專心思惟正念菩薩圓滿淨幢善
 薩法門思惟分別觀察正受念善知
 識教深入隨順善知識教時彼夜天
 告善財言善男子此佛衆中有一夜
 天名普覆衆生威德汝詣彼問云何
 菩薩學菩薩行具菩薩行修菩薩道
 時善財童子頭面敬禮喜目觀察衆
 生夜天足辭退而行詣普覆衆生威
 德夜天所求善知識心無厭足即得
 發起宿世善根一切境界此境界力
 普見十方諸佛菩薩諸善知識威儀
 庠序捨離憍慢深生恭敬所見菩薩
 及善知識念念相續無有異心皆志
 歸依諸善知識彼諸菩薩從初發心
 堪為法器乃至十地求善知識如我

無異常為善知識之所覆護聞善知
羅摩伽經卷下 第五卷 見
 識所說密語憶持在心終不忘失為
 成菩提故修一切善根莊嚴功德具
 諸方便皆由先世親近善知識故今
 時普覆衆生威德夜天普放光明此
 光明名調伏一切衆生律儀亦現莊
 嚴法門得此法門故具足相好以莊
 嚴身以此相好身亦一切衆生令得
 歡喜一一相好亦現一切衆相光明
 現光明已於白毫相放一切光以此
 光明普照一切以一切光以為眷屬
 此光名普智炎毗羅摩伽圓滿明淨
 三昧境界又此光明無量無邊無有
 涯際普照十方一切世間已入善財
 童子頂充遍其身於其身內悉見衆
 生死此生彼善惡業報皆悉現於善
 財身中今時善財童子即得極妙清
 淨毗羅摩伽三昧得此三昧時無量
 無邊諸衆生等發阿耨多羅三藐
 三菩提心一切大衆皆大歡喜禮佛
 而退

佛說羅摩伽經卷下

癸卯歲高麗國大藏都監奉
 勅彫造

佛說羅摩伽經卷下

校勘記

- 一 底本，麗藏本。
- 一 八五五頁上一〇行第八字「普」，諸本作「普賢」。下同。
- 一 八五五頁下九行末字「在」，**碩**、**普**、**徑**、**清**作「在不見未來」。
- 一 八五五頁下一〇行第八字「相」，諸本無。
- 一 八五五頁下一七行第一二字「去」，諸本作「去憶怕寂靜」。
- 一 八五五頁下二一行末字「性」，**碩**、**普**、**徑**、**清**作「性恬然安樂無起滅想」。
- 一 八五五頁下二二行第一一字「性」，**碩**、**普**、**徑**、**清**作「性相離」。
- 一 八五五頁下末行第一一字「來」，諸本作「來所」。
- 一 八五六頁上二行第一〇字「深」，**碩**、**普**、**徑**、**清**作「深慧能空空」。
- 一 八五六頁上一四行第一二字「如」，

一 諸本作「知」。
 一 八五六頁上一七行第九字「相」，諸本作「想」。
 一 八五六頁下三行第九字「日」，**讀**無
 一 八五六頁下一六行第四字「世」，**讀**作「法」。
 一 八五六頁下二二行第一三字「住」，**徑**、**清**作「生」。
 一 八五七頁下一七行第九字「又」，**讀**、**讀**、**徑**、**清**作「受」。
 一 八五八頁上一〇行第七字「言」，諸本作「語」。
 一 八五八頁中三行第四字「越」，諸本作「趣」。
 一 八五八頁中三行第一三字「流」，諸本作「海」。
 一 八五八頁下二行第四字「倦」，諸本作「倦」。
 一 八五九頁中七行第五字「於」，諸本無。
 一 八五九頁中一〇行第六字「懂」，諸本作「懂」。

一 八五九頁中二一行第九字「普」，諸本作「善」。
 一 八五九頁下一一行第一〇字「天」，**讀**、**讀**、**徑**、**清**作「天神」。
 一 八五九頁下二二行第三字「如」，諸本作「受如」。
 一 八五九頁下二二行第六字「事」至末行第八字「苦」，諸本無。
 一 八六〇頁上末行第一二字「知」，諸本作「智」。
 一 八六〇頁中八行第八字「超」，**讀**、**讀**作「起」。
 一 八六〇頁中一八行第五字「智」，**讀**、**徑**、**清**作「知」。
 一 八六〇頁下一八行首字「業」，諸本作「智」。
 一 八六〇頁下二二行第七字「大」，**讀**、**讀**、**徑**、**清**作「天」。
 一 八六一頁上一五行第四字「王」，諸本無。
 一 八六一頁中一三行第三字「海」，諸本作「池」。

一 八六一頁中一四行「身形」，諸本作「影」。
 一 八六一頁中一五行第三字「神」，諸本作「神身形神」。
 一 八六一頁下九行第一〇字「猶」，諸本作「獨」。
 一 八六二頁上一行第四字「天」，諸本作「夜天」。
 一 八六二頁上四行第二字「目」，**讀**作「自」。
 一 八六二頁上二〇行第二字「光」，諸本作「先」。
 一 八六二頁中末行末字「者」，諸本作「身」。
 一 八六二頁下六行末字「劫」後，**讀**、**讀**、**徑**、**清**有「有城名香水 國土名智慧 十二億百千 那由四天 下」四句。
 一 八六二頁下一〇行第七字「健」，諸本作「猛」。
 一 八六二頁下二一行第六字「大」，諸本作「天」。

- 一 八六三頁上一七行第三字「後」，諸本作「復」。
- 一 八六三頁上一七行第一〇字「他」，諸本作「佛」。
- 一 八六三頁中四行第八字「天」，徑、清作「大」。
- 一 八六三頁下一五行第一〇字「主」，諸本作「王」。
- 一 八六四頁上一三行「光炎」，諸本作「焰光」。
- 一 八六四頁中一八行第一四字「量」，諸本作「礙」。
- 一 八六四頁下三行第九字「法」，諸本作「法海」。
- 一 八六五頁上一行第四字「親」，諸本作「隨順」。
- 一 八六五頁下一一行「白寶」，諸本作「百寶」。下同。
- 一 八六六頁上二行第四字「亦」，諸本作「亦復」。